



المسرحية الضاحكة

# حرقه أموت تاني



محمد عبد المنعم إبراهيم  
النجاشي

إهداء 2005

الشاعرة / جليلة رضا

القاهرة

المُشرِفة الضَّالِّكة

عَرِّفْ أُنُورِي تَانِي

م. عبد المنعم إبراهيم  
المحامي

دار الجبل للطباعة : ١٠، صبة المرقطة - القاهرة  
تليفون ٩٠٥٢٩٦



بِسْمِ اللَّهِ الرَّحْمَنِ الرَّحِيمِ

## المسرحية الضاحكة

نشأة المسرحية . الضحك سمة بشرية  
المسرح شعر وفلسفة . موقف المسرح من السينما والتلفزيون  
حاجة الإنسان للمسرحية . المسرح يتعدى الزمان والمكان  
لغة المسرح

### (١) نشأة المسرحية :

١ - لقد درج المشتغلون بأمر المسرح على اعتبار أن الكتابة المسرحية هي قلة الأعمال الأدبية جميعها وفي نفس الوقت أشقها . وكانوا لا يتصورون قديماً أن تكون كتابة المسرحية إلا شعراً - موزوناً ومقفى - حتى كان العصر الوسيط - وأرسى شكسبير قاعدة الكتابة بالشعر الغير مقفى - ثم شيئاً فشيئاً وصلت المسرحية إلى لغة الحوار العادية ... وأن ظل الشعر باقياً في المضمون والمعنى ...

٢ - وكانت النظرة إلى المأساة تحتل المقام الأول - أما المسرحية الضاحكة فلم تكن تسمو إلى طبقة المأساة وذلك يرجع إلى نشأة كل من المسرحيتين .

٣ — فقد نشأت المأساة في قداسة الدين أو امتداد لشعيرة دينية تسمو بفرضها وقد قال عنها أرسطو في كتابه فن الشعر ، « أن المأساة تتناول تقليد طبقة من البشر أعلى من سائر الطبقات ، — وقال عنها ، « أن المأساة محاكاة لفعل ما تحدث أثر التطهير بأثارة انفعالي الخوف والشفقة ، .

٤ — أما المسرحية الضاحكة فلو أنها نشأت أيضاً في أعياد إله — إلا أنه كان إله الخمر ، باكوس ، <sup>(١)</sup> .

فكانت تقام حفلات هازلة حول بساتين العنب أبان قطفة وعصره لصنع الخمر وكان الجميع يبادلون القفشات والنكات وكثيراً ما كانت تحدث مسيرة لفرقة من الفرق المشتغلة بجمع العنب وأحياناً تلتقى فرقتان ثم يأخذان في التراشق بالألفاظ المضحكة — ولذلك قال أرسطو عن المسرحية الضاحكة ، ، « أنها تجعل الناس أسوأ مما هم ،

٥ — وبالطبع كان أرسطو يصدر حكمه على المسرحية الضاحكة التي كانت سائدة في المجتمع اليوناني القديم — وكانت المسرحية الضاحكة وقتئذ تقوم على العبارات البذيئة والتراشق بالألفاظ والإيماءات الجنسية. الأمر الذي يعد له وجود في زماننا الآن بل أن المسرحية الضاحكة تشق طريقها لا لتقف بجوار المأساة فحسب بل لتزاحمها ولتأخذ منها بعض

---

(١) يوجد بالاسكندرية حي كبير يطلق عليه اسم باكوس .

مشاهدها . حتى لقد صارت التراجيكميديا أكثر شيوعاً من التراجيديا نفسها .

٦ — وصار التطهير : وتحرى المثل العليا للبشر من أهداف المسرحية الضاحكة حتى لقد كتب الخلود لبعض المسرحيات الضاحكة من أعمال شكسبير وموليير وأنوى وغيرهم .

### (ب) الضحك - سمة بشرية :

٧ — وكان يجب أن تحتل المسرحية الضاحكة مكانها - لأن الضحك ميزة خص الله سبحانه وتعالى بها البشر دون سائر المخلوقات .

وكونها أكثر شيوعاً من الدراما الآن - بعد أن كادت التراجيديا تندثر - كأن الإنسان بهذا .. وفي هذا العصر يؤكد بها بشريته بممارسة الضحك الواعى النقي الشاعر الذى هو من صميم السمات البشرية .

٨ — وقد فتح الله على بعدد من المسرحيات الضاحكة — تنسم فيما اعتقد بالتنوع خصوصاً في وسيلة الإضحاك فهي لا تعتمد على الإضحاك عن طريق سوء التفاهم فقط أو التكرار أو المفارقة أو عدم المبالاة أو المبالغة في المسائل الصغيرة أو تصغير شأن المسائل الكبيرة . لا تعتمد كلها على طريقة واحدة فقط ... وهى في نفس الوقت — فيما اعتقد أيضاً تحدث أمر التطهير بأثمارة شتى الانفعالات .

٩ — وأنا إذ أبدأ بنشرها - أعلم أن قيمة الكلمة المكتوبة — لازالت كما هى منذ بدأ عهد التدوين — فع اختلاف وسائل الاعلام

لازالت الكلمة المكتوبة هي الأساس وهي المقدر لها البقاء أكثر من أى وسيلة أخرى .

### (ح) حاجة الإنسان للمسرحية :

- ١٠ - وليس استطراداً أن نحاول هنا بحث مسألة هامة هي :  
ما قيمة المسرحيات على وجه العموم أو ما حاجة الإنسانية لها .
- ١١ - والمنهل العذب الذى يستقى منه للآن فى مسألة المسرح هو كتاب  
أرسطو « فن الشعر » وهو ينسب سبب وجود المسرح إلى أن الإنسان  
بطبيعته ميال للمحاكاة وهو بالمسرحية يحاول محاكاة فعل ما .
- ١٢ - وأحب أن أزيد أنا - أن الإنسان يحب للحياة - فى صورها  
المختلفة وهو يحقق بالمسرحية محاكاة للحياة نفسها - فكأنه سواء بالتأليف  
أو المشاهدة يضيف إلى حياته حياة أخرى تحدث أثرها المطلوب من  
الانفعال والتطهير ... وكلما أضاف إلى حياته حياة أخرى زاد استمتاعه  
بالحياة وفهمه العميق لها .
- ١٣ - وسيان أن كان ذلك بنقل صورة الحياة الأرقى - لنحاول  
الوصول إليها - أو صورة الحياة الأدنى لنحاول الابتعاد عنها - أو أى  
صورة أخرى تحدث أثر التطهير بمجرد إثارة الانفعال أو  
أعمال الفكر .

### (د) المسرح شعر وفلسفة :

- ١٤ - وأرسطو يرى بحق أن المسرحية - وهو كما تعلم لم يفصل الشعر  
عن المسرحية وتناول كتابته عن المسرحية فى كتابه فن الشعر - لأنه

الشاعر كان ولا يزال مؤلف المسرحية أيا كانت - وكان يرى أنها أعق  
فلسفة واسمى رتبة من التاريخ - إذ هي تناول الأمانة عن الكليات  
والعموميات والتاريخ لا يتناول الأمانة إلا عن الجزئيات والخصوصيات  
١٥ - على هذا نرى أن المسرحية أو الأدب المسرحي يأخذ مكانه  
حيث يوجد الشعر والفلسفة والقضايا الشاملة . وأن تناول الكاتب جزئية  
أو مسألة جانبية فأنما يرمى من ورائها إلى الوصول إلى الأعم والأشمل  
أو كما قال الأستاذ توفيق الحكيم في كلمته الجامعة المانعة : الأرفع  
والأنفع . .

### (هـ) موقف المسرح من السينما والتلفزيون :

١٦ - وقد أشفق كتاب المسرح من الفنون المستحدثة مثل السينما  
وامكانياتها الهائلة فجعلها العالم بأكمله بأرضه وسماواته وما فيها . وخشوا  
أن يرجع المسرح الفهقرى . لكن هؤلاء الناس نسوا - أن مجال المسرح في  
الواقع وأن كان محكوماً بخشبة محدودة إلا أنه أرحب وأوسع من أى مجال  
آخر فهو يتسع لهذا جميعاً ولا أكثر من هذا يتسع للواقعي والطبيعي  
والرمزي والرومانسي بل للمعقول وإلا معقول وغيرهما .

١٧ - وللبهنة على ذلك نذكر مثلاً واحداً - شكسبير - كانت  
انجلترا تفخر بثلاثة أشياء أوائل يقوم عليها مجدها - الأسطول -  
والاسترليني - وشكسبير .

أما الأسطول فلم يعد الأول بأى حال - وأما الاسترليني فليس

حاله بأحسن من حال الأسطىول - لكن مسرح شكسبير مازال  
وسيطلاً خالداً .

### (و) المسرح يتعدى الزمان والمكان :

١٨ - وما يذكر أن أسبوع مهرجان الأفلام السوفيتية فى القاهرة  
فى أحد السنوات كان يحتوى على ثلاثة أيام كاملة من السبعة لشكسبير  
وهو أمر يستحق أن نقف عنده بعض الوقت وتدير كيف فرض  
مسرح شكسبير نفسه لاعلى إنجلترا وحدها .. لىكى تعدى ذلك إلى خارج  
إنجلترا - إلى خارج البلد -- المكان - وتعدى الزمان - زمان  
شكسبير نفسه - تعدى الزمان والمكان إلى روسيا - أى فى بلد  
لا يعتبر صديقاً لإنجلترا .

١٩ - فالمسرح لن يتأثر بالسينما ولا بالمستحدثات التى قد توجد  
بعد ذلك فكلها متفرعة منه ومأخوذة عنه ... والدليل الساطع عندنا  
فى مصر ، فالمسرح ازدهر ولم تؤثر عليه السينما ولا التلفزيون ورب  
خائل يقول - أن مرجع ذلك إلى العصا السحرية التى مست المسرح  
لجطت منه عملاقاً لا يشق له غبار فى هذه الأيام .

٢٠ - والرد على ذلك بسيط فالعصا السحرية والنهضة قد شملت فى  
مصر كل شىء ومست المزارع والمصانع وشجرت الصحارى بل وانشأت  
التلفزيون انشاء فكان المعقول أن يزاحم التلفزيون الفن المسرحى ،  
ومع ذلك فقد رأينا أن المسرح يشق طريقه بين الجميع ليكون أبالجميع  
وراءاً للجميع .

## (ز) لغة المسرح :

٢١ - تبقى مسألة أو مشكلة كثر عليها الجدل واختلفت حولها الآراء وهي مسألة اللغة - بأى لغة نكتب للمسرح ؟ - بالعربية أم بالعامية .

٢٢ - والواقع أن لغة الحوار اليومى هى اللغة العامية - والعامية نفسها لها لهجات مختلفة - وفى رأى أن هذه المشكلة سوف تحل نفسها أو يجب أن تحل نفسها حلاً سعيداً موفقاً

٢٣ - فالعربية - هى لغة العرب اجمعين - وكون العرب - فى مشارق الأرض ومغاربها - يتكلمون لغة واحدة - مسألة يجب أن نعض عليها بالنواجذ وإذا كان العالم يسمى لكى تكون له لغة واحدة - ويعتبر هذا أملاً حبيباً فالأحرى بالعرب أن تتمسك باللغة الواحدة ففيها لهم قوة وعزة ووحدة .

٢٤ - فالواجب أن يكون للمسرح شأن فى توحيد اللغة أو سيادة اللغة العربية والمسألة بسيطة - أن يكتب الحوار بلغة عامية أقرب ما تكون إلى العربية ولنسميها اللغة العادية وترتفع شيئاً فشيئاً حتى تصير اللغة العربية هى السائدة حتى فى حوارنا اليومى وليس ذلك بعسير والاكانت لكل طائفة لغة - فى الشام لغة - وفى المغرب لغة أخرى بل

سيكون لنا في شمال الدلتا لغة والقاهرة لغة وأقصى الصعيد لغة وهو أمر  
يجب ألا يكون — وتتمنى أن يزدهر المسرح ويرتفع باللغة العادية  
وبمحاورنا حتى نتكلم ونكتب اللغة العربية — وهو أمل لا أراه  
بعيد المثال .

واعتقد أنى حاولت ذلك في كتابة مسرحياتى التى أشرف بتقديم  
أولها الآن فالى المسرحية .  
والله ولى التوفيق



# بِسْمِ اللَّهِ الرَّحْمَنِ الرَّحِيمِ

## حَرَّمَتْ أُمُّوت تَأْنِي

### الشخصيات

حسن البامبيني	في نحو الثلاثين
على كونه	صديق حسن — في سنه
محمود البامبيني	شقيق حسن البامبيني — في نحو
	الأربعين
زكية	تدعى أنها زوجة حسن البامبيني
فاطمة	خطيبة حسن البامبيني
مدعى حسن البامبيني	في نحو الثلاثين
عسران	شريك المدعى في ادعائه

### شيخ الغفر

دكتور في مستشفى الأمراض العقلية

ممرض في مستشفى الأمراض العقلية

### المفاخر

الفصل الأول — في غرفة استقبال متوسطة في بلد ريفيه

الفصل الثاني — نفس المنظر

الفصل الثالث — في مستشفى الأمراض العقلية — حجرة

الدكتور إلى اليمين وإلى اليسار حجرة

اختبار المرضى



## الفصل الأول

### المنظر الأول

المنظر : غرفة استقبال متوسطة و منزل على في بلد ريفية  
يتلاحظ أن يظهر حسن بلحية كثيفة وشارب غزير

على — خد ياسيدى اقرأ نعيك في الجريدة

حسن — الله... الله... ( يقرأ ) توفي إلى رحمة مولاه كبير

قومه وعميد عائلته... وعين أعيان... ( يخاطب على )  
أيه ده كله يا على... كل ده علشانى أنا .

على — ولسه... ولسه .

حسن — ( يمود للقراءة ) المحسن الكبير... حسن بك البامبيني...

( يخاطب على ) أنا بينى مهم قوى وأنا مش عارف...  
ده أنا خساره فى الموت على كده

على — طبعا... طبعا

حسن — ( يمود للقراءة ) ... ياسلام... وكل دول بينحنو...

شوف صفوان يقول ايه

- حسن — وهو صفوان وبس دول أكثر من عشرة
- حسن — ( يعود لقراءة ) صفوان صديق العمر ... ينمى الأخ  
الوفى ... ايه ده كله ... ايه العواطف دى .
- على — ( يخاطب على ) وده صفوان مين ... اللى مبلغ فيه التيا به  
لكن بعد ما مت حضرتك بقيت صديق العمر ...
- حسن — على كده كان حق الواحد يموت من زمان .
- على — لا ... وفى الحوادث ... الوصف المؤثر للحادثه  
بتاعتك
- حسن — يا شيخ
- على — ( يتناول الجريدة ويقرأ ) ابلغ شيخ الخفراء ... أنه  
شاهد صاحب العزة ... الوجيه
- حسن — أقرأ ... صاحب العزه ... والوجيه دى تانى  
( يضع رجلا على رجل )
- على — صاحب العزه حسن بك عليوه البامبيني ... وهو ينخلع  
ملابسه بجوار شاطئ النيل فاستولت عليه الدهشه .
- حسن — حلوه استولت عليه الدهشه دى ( يقتل شواربه )
- على — ( متابعا القراءة ) ثم تبين أن هناك طفلا أشرف على  
الفرق ... وفى لمح البصر كان حسن بك عليوه البامبيني  
يشق عباب المروج

- حسن — يا سلام ... يشق عباب الموج
- على — وأخذ يغالب القدر العاقى ... لكن وأسفاه ... راح  
ضحية شهامته ومرؤته ونجدته إلى آخراته ... انه اته
- حسن — لكن ازای ده حصل يا على
- على — بعد ما أخذت هدومك زى ما اتفقنا كنت أنا حابلق  
إنك غرقت ... جه شيخ الحفر ... كنت أنت فى  
البيت هنا ... قلت له علشان اسبك الحكاية . . إنك  
نزلت تستحمى غرقت .
- حسن — بلغ هوه ... لكن حكاية الشهامة دى جت ازای
- على — هوه قال دى لازم حكاية كبيرة وكلمة منى ... وكلمة  
منه ... الكلام جر بعضه ... اتخلقت السكاية دى وهو بالغ  
فيها قوى وأنه عمل مجهود وحب ينجيكم انتم الاثنين
- حسن — وانت قلت ايه فى المحضر
- على — هوه ما جبش سيرتى ... هوه عمل بطل على حسابك  
وحسابى
- حسن — يعنى أنا داوقت
- على — ميت ١٠٠ / مش ده اللي أنت كنت عاوزه ... اديك  
مت رسمى وميت فى سبيل انقاذ طفل
- حسن — طب والجثة

على — أ هم نزل م غواصين ... ولسة بيشنظم ... يقولوا أن  
 التيار جرف الجنة ... المهم بقى إنك تختفى ...  
 تسافر ... تشوف طريقة ... كنت عايز تموت  
 واديك مت

حسن — ولا حا تختفى ولا حا سافر ... حا فضل هنا  
 على — يانهارك أبيض ... وبعد ما تنكشف حكايتك ويعرفوا  
 إنك عايش .

حسن — أبدا أصل أنا طول عمرى متخفى فى الدقن والشنب  
 ده ... بعد ما احلقهم ... محدش جيعرفنى أبدا ...  
 ولا أنت ... لازم أقعد علشان أشوف بعينى وعلشان  
 يعرفم مقامى وعلشان زى أهلى وأصدقائى ما عذبونى  
 وضحكوا على ... اضحك عليهم

على — الحمد لله أنا مليش دخل وأن شيخ الغفر هو الذى  
 بلغ علشان لما تنكشف .....

حسن — حشوف بعدما أحلق دقنى ... حطمن ... حطمن ...  
 ادحنا شفنا الذى بينعنونى ... حشوف كان أيه حيصصل  
 من اخواتى ومن خطيبتى ... ومن أصحابى ... هات  
 الموس ... هات

( يذهب إلى مرآة فى الحجرة ويمسك الموس .. ويبدأ فى حلق  
 دقنه وشنبه وهو يقول ... )

أنا الى ربيتك على العالى سنين وأيام يادقنى







ويا ما قالوا عوازل فيكي واللوام  
 ضحك على عشانك لم سمعت كلام  
 لكن زماننا حكم بالموس يفرقنا  
 وما فيش خلاص مالموس وم الأحكام  
 يادقنى  
 يادقنى  
 يادقنى  
 يادقنى

(متبها) طب والجنازه حتخرج ازاي ما دام  
 ما فيش جثة

على — ما دام ما فيش جثة ما فيش جنازة (ناظر الحسن)  
 يا خبر يا حسن .. ده صحيح عمدش ممكن يعرفك ..  
 ده أنا مش عارفك

حسن — مش قلتلك .. إنما اسمع كانت تبقى لذينة قوى لومشيت  
 بنفسى فى جنازتى .. أول واحد كان يمشى فى جنازة نفسه  
 على — يا شيخ كده أحسن مين عارف كان جازي تضحك ..  
 جازي أنا أضحك

حسن — لكن يا على صعبان على الفراق قوى (بيكى)  
 على — فراق ايه .. اهلك وأصحابك .. اللي على رأى المثل  
 حسن — لا .. فراق دقنى .. كانت عاملة لى هية .. أنا حاسس  
 اتى من غيرها مش موجود

على — بلاش كلام بقى .. الإسم زى ما اتفقنا حسن ..  
 عشان ما يحصل غلط .. جازي لو اسميك باسم تانى اغلط  
 (م ٢ — حرمت اموت)

فهو الإنسان تمل بينده الإسم الأول .. كنت حسن  
البامبني دلوقت حسن المقدوني ..

حسن — المقدوني ؟ .. اشمعني المقدوني

على — أهو يبق من نسل الاسكندر

حسن — الاسكندر؟

على — الاسكندر الأكبر .. وكان ع الوزن .. على وزن

البامبني

حسن — أنا سامع حس رجلين على السلم .

على — أنا العملية دى كلها خايف منها

حسن — خايف من ايه .. ده حتى مال كسش دور فى التبليغ ..

أنا كنت عاوز اخلص من حياتى ... أموت نفسى

على — بس لازمة ده كله ايه

حسن — ادبنى بقيت عميد العائلة . والمحسن .. واللى كان

شاكينى يمدح فيه .. وخطيتى لما تتجوز باعتبار انى

مت تبقى سهلة ... احسن ما أشوف فرحها وأنا عايش

واتحسر

على — أهو لما نلاقى فيه احراج ... أقول انك نجميت ...

لسكن خايف ( يضرب جرس الباب )

على — ( ينظر من شراعة الباب )

على — تعرف مين ؟

- حسن — مين ؟ مين ؟
- على — أخوك محمود ... أخوك
- حسن — ما داهية يعرفني
- على — تبقى فرصة وتقول انك سبعت ونجيت وخلص
- ( يذهب على يفتح الباب )
- ( يدخل محمود البامبني )
- محمود — السلام عليكم (متأثراً)
- حسن وعلى — (بتأثر) عليكم السلام ورحمة الله وبركاته
- محمود — ( يمسح دموعه ) بس لو كنت ودعته ... بس لو كنت شففته قبل ما يموت ... يعني يا على أنت كنت معاه تملى ما بتسيبوش بعض ... اشتمنى اليوم ده
- ( محمود ولوائه ظاهر التأثر لأنه يريد التأكد من موت حسن )
- على — كان رايح عند صديقه ( يشير على حسن )
- محمود — حضرته
- على — ( مقاطعاً ) آه ... حضرته
- حسن — وبرضه ما جانيش ما لحقش (بيبي) ما شفتوش ... ما شفتوش
- محمود — ( يهجم على حسن ويمتصنه ) اهلا ... اهلا ... صاحب اخويا ... حبيب اخويا ... حبيبي

- حسن — اهلا .. اهلا .. اخويا .. أخو حسن
- محمود — ( يذك ) تصدق بالله أنا لما شفتك .. كاني شفت  
أخويا تمام ..
- على — آه فيه شبه منه .. طوله
- محمود — لا .. أخويا كان أطول منه شويه .. الله يرحمه .. إنما  
كأنه هو .. لانه من ريحته
- على — ومستودع أسرار
- حسن — الله يرحمك يا حسن ويبدش الطوبة اللى تحت رأسك
- محمود — ( يرفع يديه إلى أعلى ) فى الجنة ونعيمها يا اخويا .. متبياً  
لى انا واقف قدام اخويا
- حسن — ما هو بلاش تردد بقى
- محمود — زى اخويا تمام .. الله يرحمك يا اخويا .. بس لو  
تبرد نارى ونلاقى الجنة
- عل — جازى التيار جرفها مسافة بعيدة
- محمود — جازى .. كله جازى . لكن برضه مسيرنا نلقاها
- حسن — طبعا . طبعا .. مسيرنا نلقاها .. الله يرحمك  
يا حسن .. كان بدرى عليك يا حسن مش عارف اعمل  
ليه فى وصيته .
- محمود — وصية ايه

- حسن — الوصية اللي سابها
- محمود — هو ترك وصية
- حسن — ترك يا سيدى وصية ... أنا عارضته وقلت له مالوش لازمة ... قال لى لا
- محمود — والوصية فيها ليه ؟
- حسن — أهو غرزنى فيها ... الله يرحمه ... خلاى أنا المنفذ لها ... قلت له خلى أخوك محمود هو اللي ينفذها .
- محمود — وما رضيش
- حسن — لا قال أخويا محمود مش فاضى ... الله يكون فى عون أخويا مشاغله كتير
- محمود — كان قلبه على ... بس كان يسألنى وأنا كنت أتأخر عنه وفيها ليه الوصية
- حسن — مش وقته بقى
- محمود — مش وقته ليه ... فيها ليه الوصية
- على — مش دلوقتى يا محمود ... مستعجل على ليه
- محمود — علشان ننفذ اللي فيها علشان نريح قلبه فى التربة
- حسن — ( لعل ) حيتجنن
- ( لمحمود ) ياترى هو ترك حاجات كتيره
- محمود — تقول كده ما كشف فيه فرق بينى وبينه
- حسن — طبعا أخوات ... حبايب

- محمود — لكن كل الحاجة بتاعى  
حسن — وباسمك ؟  
محمود — ما كانش فيه فرق ... كنت باعزه قوى ... كنت  
باكتب كل الحاجات ... حاجاتى أنا باسمه  
حسن — يا سلام ... ياسلام على الحب والاخوية .  
محمود — الله يسامحه بقى ... لكن الوصية لك أنت ؟  
حسن — لا .. لأعمال الخير  
محمود — هو كان يحب الخير كثير ... أنا مستعد علشان عيونه  
وعيونك أنفدها بنفسى وأريحك  
حسن — والله لولا أنى مش عاوز أغضبه فى نومه ... كنت  
خليتك أنت اللي تنفذهها ... لكن بقى حاضط على نفسى  
محمود — على أى حال ... أنا مستعد لأى خدمة  
حسن — ( يحتضن محمود ويقبله ) تشكر يا أخويا تشكر  
( ينظر اعلى نظرة لها معانى )  
محمود — ما تعرفش فيها ليه  
على — أهى لأعمال الخير واللى ينفذهها حسن البامبىنى  
محمود — حسن البامبىنى  
على — المقدونى .. المقدونى  
حسن — المقدونى .. أصل تملى البامبىنى على لسانى

- محمود — ( ياخذ حسن على جنب ) مش يعنى نقدر نتعاون ...  
 ما تحرمنيش من فعل الخير
- حسن — أحرملك ازاي . . وأنا عارف إنك تموت فى الخير
- محمود — أهو كده . . نبقى نتقابل بقى . . ومعاك صورة الوصية  
 علشان أسهل لك العملية
- جنسن — حاضر من عنيه
- على — ( الحسن ) ( تدخل فاطمة تبكى ) خطيبتك فاطمة . .
- حسن — البقية فى حياتك
- على — كلنا لها ... كلنا لها ... ما دايم إلا وجهه
- محمود — أدى حال الدنيا
- فاطمة — مافيش حاجة مآثرة فيه إلا أنى كنت زعلانة معاه . .  
 يقطعنى ... يقطعنى ... لو كنت عارفة كده
- على — ياستى كل الناس بتزعل مع بعضها
- فاطمة — فى الحقيقة ما كانش قصدى ... اسكن حكاية دفته دى  
 بقى كانت حاجة فظيمة
- حسن — ياسقى ... فتوى ... فتوى
- فاطمة — هوه مين حضرته
- محمود — صديق حسن ... حسن ... برضه اسمه حسن
- حسن — حسن المقدونى

- محمود — صديقه اللى حينفذ وصيته
- فاطمة — أنا اللى مقطع فى قلبى انه انتحر علشانى
- محمود — انتحر... انتحر ازاي... ده كان بينقذ واحد .
- فاطمة — ده كلام... يا ولداه انتحر علشانى
- على — علشانك
- فاطمة — أصله قال لى لازم نتجوز... قلت له بعد ما تمحلّق  
دقنك... كل زميلانى بتضحك على علشان دقنك فلازم  
تملقها... قال لى ده كلامك النهائى... قلت له أيوه...  
سابنى وخرج ما شفتوش من ساعتها... إيه... إيه...  
إيه... إيه... إيه... إيه...
- حسن — معلش... معلش... لكن لو كنتى عرفتى إنه كان  
حيثتحر كنتى اتجوزتیه بدقنه
- فاطمة — ما تقدرش تعرف طريقة البنات قد إيه... لكن تعرف  
لو حلق دقنه
- حسن — هيه... كنتى اتجوزتیه طبعاً
- فاطمة — لا... لا... مش دى... لو كان حلق دقنه كان يبق  
شبهك (مفيدة لحسن)
- على — يا شيخه
- فاطمة — بس دوکها كان أقصر شويه... لو كان طويل حبه...  
لكن إحنا فى إيه والا فى إيه



- حسن — لا... اتبججى... اتبججى .
- فاطمة — ( اهل ) هو الله يرحمه ما كلكش على... كان متأثر  
منى قوى .
- على — الله يرحمه هو ما كانش يفضفض كثير... لكن برضه  
كلنى عن دقنه .
- فاطمة — قال ليه
- على — كلام كثير... وكلنى عن أخوه كان
- محمود — إسمع يا على... هو ده وقت الكلام ده... إحنا فى  
المصيبة اللى جات لنا
- على — طبعاً من موته... ومن الوصية
- محمود — هو كان عندى أعز منه... والوصية كان
- حسن — الله يرحمه... غرزنى فى الوصية... لو ما كانش غرزنى  
فى الوصية كنت حصلت ما يهونش عليه أعيش من  
من غيره... لكن عايش فى ذكراه... علشان أتفد  
الوصية بس
- محمود — ما هو برضه فيه ناس ينفذوها
- فاطمة — والوصية دى فيها ليه... ياعينى عليه... ياترى افتسرك  
يا فاطمة... أنا بس علشان يكون لى حاجة من ربحته
- حسن — طبعاً... لكى فيها حاجات... مش حاجة واحدة
- فاطمة — الله برحمه... اللى يجازيه بالخير... أهى حاجة من

ريحته ... ومستنيين إليه مش تبخشا يا حبة عيني ع الجثة  
أنا لو كنت راجل ... كنت عمت في البحر لغاية الشلال  
علشان ألاقى الجثة ... ده كان أمير

حسن — أنا حاعمل كده ... بس بعد الوصية ... أصل فيها شروط  
حسن — ( ياخذ فاطمة على جنب ) فيها شروط خاصة بيسكى  
فاطمة — أى شروط أنفذها ... أنا بس عايزة حاجة من ريحته  
حسن — مش شرط يظهر أنك تتجوزى واحد بدقن  
فاطمة — بدقن ... حزرع لدقن تعتيع ... ده كان مجنون بالدقون .  
والا إليه

حسن — وفيه حاجة تانية  
فاطمة — إليه دى ؟  
حسن — أو تتجوزينى  
فاطمة — ( تنفخ حسن من كل ناحية )

فيه الوصية دى أد إليه

حسن — لسه مش عارف ( ياخذها و ناحية ) أنا بس قصدى  
أنفذ وصيته  
فاطمة — وأنا برضه ... بس يعنى فيها أد إليه  
حسن — أهر بعد ما نتجوز نبقى نشوف  
فاطمة — لا ... إحنا نشوف الوصية ... قبل أى شىء ... مش  
تنفذ وصيته

( يدخل شيخ الغفر )

على — أهلا ... شيخ الغفر

محمود — فيه حاجة يا شيخ الغفر

شيخ الغفر — أنا سألت على سعادتك يا محمود بك ... قالوا إنك هنا

حضرت علشان أبلغ سعادتك رسمياً أننا غربلنا مية

البحر بحثاً عن الجثة ، فى كل حته فى البحر لحد ما وصلنا

سقف البحر كان

محمود — وبعدين

شيخ الغفر — لم أمكن أبدا العصور على الجثة لافى سلقطولا فى ملقط

فاطمة — ياميت خسارة .. خطيبي .. حتى الجثة .. يا حبه عيني

ما تلاقوهاش

محمود — ما تبحث تانى يا شيخ الغفر

شيخ الغفر — بحثنا فى كل نقطة فيه ما وجدناش الجثة ما بحثنا

حسن — إيه الكلام ده .. يبقى صاحبي وما امشيش فى جنازته

على — على كل حال يمكن عمل ليله

شيخ الغفر — وعمل ليله من غير جنازته .. لم يجوز أبدا .. ما بحثنا

حسن — ما تبحث يا شيخ الغفر

شيخ الغفر — هو ما عندناش بقى إلا الشغلة دى وأشغال الحكومة

المتله .. ما بحثنا

على — برضه يا شيخ الغفر لو شوية همه .. صغيرة منك ...

حتلا فى الجثة

شيخ الغفر — طيب اجسم بايه .. انا ما تركنا فتقوتة ميه يا ناس ..  
ده شئ .. يجنن .. ما بحثنا

حسن — يا شيخ الغفر .. علشان خاطرى ابحث تانى

شيخ الغفر — ازاي نبحث تانى .. يمكن التبار سحب الجثة ما بحثنا

حسن — اجتهد يا شيخ .. وأنا أدريك مكافأة .. ده صاحبي

شيخ الغفر — احنا ما بنشتعلش علشان مكافآت .. ده واجب

علينا .. لكن علشان خاطرك خعاود البحث

( يذمب ناحية حسن ) المكافأة دى كتيرة يعنى ادايه

حسن — اد عشرين جنيه

شيخ الغفر — ( لنفسه ) عشرين جنيه حته واحدة .. ( لحسن ) مش

علشان المكافأة .. أبدا .. احنا ما نشتملش بمكافآت

علشان خاطر عيونك .. وعيون المرحوم .. خنبحث

تانى .. الجثة لازم تتوجد .. ( وهو طريقه إلى الخروج )

دول عشرين اهيف .. سلام عليكم ..

( يخرج شيخ الغفر )

( فى أثناء هذا الحوار لازالت فاطمة تتأمل فى حسن وتنظر

له عاولة أن تقنع نفسها بقبوله زوجها لها )

— ( الحسن ) بتعainenك أه .. ختصرفك

على

حسن — أبدا .. دى بتحاول كده تشوف زوج المستقبل ..

بتوزنه ياترى يستاهل ؟ ياترى الوصية تستاهل ..

حتشوف دلوقتي

- حسن — ( فاطمة ) قلتي ايه  
فاطمة — أما نشوف الوصية .. ( بصوت عال ) يا عيني عليك  
يا حسن . . . ياللى موت نفسك علشانى يا حسن  
محمود — ( بأخذ حسن على جنب ) شوف بقى يا حسن . . أنا من  
ايدك دى لا يدك دى .. أنا مستعد أساعدك فى كل  
حاجة . . وفى تنفيذ الوصية . . أنت لازم عارف أنه  
الحاجات اللى سابها أخويا حسن بتاعى  
حسن — بتاعتك ازاي  
محمود — خليك ، مايا أمال . . لكن علشان حب الخير  
حسن — علشان حب الخير  
محمود — علشان حب الخير . . وعلشان أريحك . . أديلك نصيبه  
الوصيه فلوس  
حسن — ده كلام كويس  
محمود — شفت ياسيدى  
حسن — لكن  
محمود — بلاش لكن دى . . أنت مش عاوز ترتاح  
حسن — ايوه . . لكن  
محمود — بلاش لكن دى . . الحاجة كلها بتاعى . . لكن  
حسن — ما انت بتقول بلاش لكن

- محمود — بلاش لكن يا سيدى . . إنما علشان حب الخير . .  
 الواحد يساهم برضه فى عمل الخير هو الواحد يعنى  
 ما يعملش الخير إلا بعد ما يموت
- حسن — صحيح . . ده الواحد يكسب ثواب كبير لما يعمل  
 الخير وهو عايش
- محمود — بس بدنا نتقابل كده لوحدنا
- حسن — ما هو على عارف كل حاجة
- محمود — هو على بس . . الدنيا زحمة . . وفاطمة كان
- حسن — آه
- محمود — على أى حال . . أنا من ايدك دى لا يدك دى . .  
 احسن من المشا كل
- حسن — أبوه . . قلت لى المشا كل
- محمود — خلاص سلام عليكم دلوقت
- حسن — عليكم السلام
- على — عليكم السلام ورحمة الله وبركاته . . بدرى
- محمود — مش جايه يا فاطمة
- فاطمة — بعد منك على طول
- ( يخرج محمود )
- فاطمة — يا ترى يعنى
- حسن — ايه

- فاطمة -- — وإلا بلاش (حسن) أنا كنت عايزه أكلك  
لوحدك
- حسن — ما هو على عارف كل حاجة
- فاطمة — مش قصدى .. على كل حال نبقى نتقابل فى وقت  
تانى .. ونشوف .. يمكن
- حسن — أهو فكرى كويس .. اختارى
- فاطمة — هية الحكاية سهلة .. أنا كنت باجه .. يمكن  
ما اتجوزش طول عمرى .. القسمة غلابة  
( انتهى فاطمة للخروج )
- حسن — حتيجى امتى .. علشان اعرف رأيك
- فاطمة — اما نشوف الوصية قبله .. قبل كل شىء
- حسن — كلام حلو
- على — تمام .. اما نشوف الوصية
- فاطمة — فوتكم بعافية .. كان يفكر فيه
- حسن — ربنا يديكى العافية  
( تخرج فاطمة )
- على — اما حته حكاية .. محدش عرفك يا أبو على
- حسن — أنا قلت لك انا كنت متكر طول عمرى فى المدفن  
والشذب
- على — والاغرب محمود يقول دكها أطول شويه وفاطمة تقول

- حسن — دكها أقصر شويه
- على — دى تربية الدقن لها فوايد
- حسن — لا وشيخ الغفر راخر . . عاوز يقبض عشرين جنيه . .  
 يبقى يقابلنى لما يلاقى الجنة بقى بعد عمر طويل
- ( المسرح يظلم يبطء ثم يضاء يبطء أيضا مع موسيقى . . حسن  
 وعلى يغيران أما كنهما . . لكن النظر هو هو )
- حسن — بقى لى ميت دلوقت كام يوم ... حقه الواحد شاف في  
 الكام يوم دول ... المعجب
- على — ومين عارف يمكن تشوف عجب أكثر
- حسن — بقى حتشوف أكثر من فاطمة اللي ما فيش حاجة  
 تهمها إلا معرفة الوصية
- على — وإلا أخوك اللي يبساومك
- حسن — لا ... دى مش غريبة عليه ... لكن فاطمة ...  
 الخطية ... المخلصة
- على — وإلا شيخ الغفر ( يقلد شيخ الغفر ) الأول يقول  
 مابحثنا ... مابحثنا وبعدين هو احنا بنشتغل علشان  
 مكافآت لكن حتدينى ادايه ومن يومها وهو يموت  
 نفسه فى البحر
- حسن — أما غي ... يبقى يقبض ... هو فاكر أن فيه جنة
- على — زمانه ماباش جوه الميه







- حسن — ايوه ... يقول أنه يموت نفسه من ساعتها هوه والغفر  
الى معاه ودارين بحث
- على — ليل ونهار
- ( ضجه في الخارج وصوت جلبه من شيخ الغفر ومعه خفيين )
- حسن — ايه ده
- على — اهي دوشه كل يوم ... حبيجي شيخ الغفر يوصف لنا  
عمل ايه
- حسن — تعرف إني بالتلذذ من منظره ... ومظاهر الجشع الى  
باينه عليه ( يدخل شيخ الغفر يضرب سلام ) معه  
خفيين آخرين
- شيخ الغفر — مبروك ياسعادة اليه
- حسن — على ايه
- شيخ الغفر — عثرنا على الجثة
- حسن — جثة مين ... جتى
- شيخ الغفر — لا يا افتدم ... جتته حسن بك البامبني
- حسن — بتقول ايه
- شيخ الغفر — عملنا الواجب تمام وبجشنا
- حسن — أمسكني يا على
- على — أمسكك ازاي

شيخ الففر — لحد ما لقيناها أنا ..

الففرين مع بعض — أيوه أحنا الثلاثة ماسبناش ولا حته وجرينا  
ورا التيار

حسن — امسكني ... امسكني ( يغمى عليه بين يدي على بينما الففرين  
وشيوخ الففر مستمرين في الكلام )

# الفصل الأول

## المنظر الثاني

### نفس الحجر

- على — أهو كان نفسك ممشى فى جنازتك ومشيت  
حسن — وحضرت الليلة بكان  
على — لكن ما كنتش خايف  
حسن — أخاف من ايه ... إذا كان أخويا ما عرفنيش  
ولا خطيبتى رخره  
على — حاجات غريبة  
حسن — غريبة وبس ... والجثة . . دى جت منين ... أنا أهو  
صاحى قدمك ... جاب الجثة منين  
على — متبال أنه لو ما كانش لقي جثة ... أنه كان غرق  
واحد علشان عشرين جنيهه  
حسن — وإلا كان غرق نفسه هو ... أنا كنت عاملها نكته  
طلعت حقيقة  
على — واللى كانوا أعدائى كانوا بيتكلموا فى الصيوان عنى وعن  
حسن — أخلاقى الحلوه ويحلفوا بحياتى

على — وإلا أخوك  
 حسن — ده خليه على جنب بقى ... ده هراى علشان حكاية  
 الوصية :

( يدخل محمود )

محمود — سلام عليكم  
 على وحسن — عليكم السلام ورحمة الله وبركاته

( يلمان عليه )

محمود — (يجلس) والله أنا كلبتك كثير علشان الوصية... وأنا طول  
 عمرى راجل عملى

حسن — عملى قوى  
 محمود — أنا جأى النهاردة أخلص الموضوع خالص ... وأنت  
 حر بقى

حسن — يعنى آيه  
 محمود — يعنى ياتتفق النهاردة يا بلاش خالص... أنا عايز أريحك  
 وأساهم فى تنفيذ وصية أخويا... أنا جيت لك  
 مبلغ محترم

حسن — المهم تنفيذ لإرادة المرحوم  
 محمود — طبعا... طبعا ده المهم ... وأهو أنت تاخذ المبلغ  
 وتنفذ لإرادة المرحوم

حسن — جيت لى أد ليه

- محمود — أنا جبت لك ياعم ٣٠٠ جنيه
- حسن — ٣٠٠ جنيه يفتح الله ... دى الوصية قيمتها حسب تركه  
المرحوم أكثر من خمسة آلاف جنيه
- محمود — اسمع بقى ... هاودنى أحسن ... وأهو كان تنفيذ فعل  
الخير بسرعة خللى بالك بدل ما نخش فى نزاع ...  
الحاجة بتاعتى وأنا واضع يدى عليها
- حسن — بس ٣٠٠ جنيه مبلغ صغير قوى
- محمود — علشان خاطرك ٤٠٠ جنيه وإلا أيه يا على
- على — أنا خلىنى بعيد عن الحاجات دى أحسن
- محمود — ما انتش عارف أن التركة بتاعتى ... ما تخليك معانا  
امال ... طيب وغلاوة المرحوم
- على — أهو كده أحسن ... أصله كان غالى عليك قوى
- محمود — قوى ... وغلاوة المرحوم ما أدفع أكثر من ٥٠٠ جنيه
- حسن — لا ... لا ... ما ينفعش
- محمود — ما ينفعش ... وحياة المرحوم وغلاوته .. وشني ده  
أن خرجت هن هنا من غير ما تنفق ما أنا متكلم تانى
- حسن — اسمع بس
- محمود — لا ... سلام عليكم
- حسن — تعالى يا محمود

- محمود — عاوز تقول ايه  
 حسن — فين الخمسمائة جنيه  
 محمود — فين الوصية  
 حسن — أصل فيها حاجات تانية  
 محمود — ولا أولى ولا تانية مش المهم فعل الخير  
 حسن — آه  
 محمود — خلاص تدبني الوصية .. ونقطعها خالص وتأخذ المبلغ  
 حسن — أنا قصدي علشان نصيب فاطمة  
 محمود — هو كان بيعجبها هوه كان بيعجب يشوفها خالص ...  
 كان بيكرها  
 حسن — يا شيخ  
 محمود — أسأل على  
 عل — وأنا يسألني ليه بس  
 محمود — ودي تستاهل... ماهي هيه السبب... هيه اللي غرقته ...  
 كبدى عليه كبدى عليك يا أخويا ... حتكسب الخير ...  
 حتكسب ٥٠٠ جنيه  
 حسن — بس الحاجات التانية  
 محمود — شوف الراجل الى مش عاوز يعمل الخير... وربي  
 الوصية  
 حسن — ( يخرج ورقة كبيرة ويتناولها لمحمود )



- محمود — تمام خطه وإمضاء ... يعني مش حرام حته ورقة  
تساوى ٥٠٠ جنيه
- حسن — بلاش
- محمود — والله بس علشان خاطرك ... لو حدد مات  
قداى مااديله ملهم ... لكن بقى خنخش فى  
قضايا ... وفاطمة ... والجمعية القلاية ... خد  
( يعطيه ال ٥٠٠ جنيه )
- حسن — نهايته والسلام
- محمود — وانتى بنى مالكيش لازمة ( يقطع الورقة )
- حسن — ماتخلها معاك يمكن تجد فى الامور أمور
- محمود — وبعد كده أمور ... الله لا يرحمه بقى غرنا  
خمسمائة جنيه ع الفاضى ... لكن معلش  
ياسيدى حار وفار ( يدخل شيخ الففر )
- شيخ الففر — سلام عليكم
- حسن وعلى ومحمود — عليكم السلام يا شيخ الففر
- على — فيه حاجه
- شيخ الففر — أما مصايب ياناس — أنا عايزكم ضرورى  
تشهدم معايا ... لازم ... لازم
- حسن — نشهد على آيه

شيخ الغفر — آل آيه ... عيلة الماردني بيقولوا أن الجنة ... جنة  
قريبهم الى غرق من مده عايزين يطلعوا الجنة ويكشفوا  
عليها ... فبدل بهدلة جنة المرحوم بتاعكم عايزكم  
تشهدوا معايا أن دى جنة حسن بك البامبني

محمود — طبعا ... جنة حسن البامبني

شيخ الغفر — يا على بك لازم تشهد معنا وانت ياسعادة اليه  
( يشير على حسن )

حسن — أنا ما عاينتس الجنة حتى إني أشهد

شيخ الغفر — لكن عارف تمام ومتأكد

على — إذا كان من ناحية عارف ... هو عارف قوى ... عارف  
عارف من هنا للشلال

شيخ الغفر — طب وانت يا على بك

على — إذا كان حسن المقدوني ... وهو عارف كل حاجة ...

وهو اللي خلاك تبحت عن الجنة ... ودفع لك فيها  
مش راضى يشهد ... أقوم أنا اللي ماشفتس حاجة  
أشهد

محمود — تعالى يا شيخ الغفر ... تعالى ... هو ده كلام ... هو

لعب عيال ... عاوزين يمر مطونا بعد دفن الجنة ...

قوم معايا ... قوم

شيخ الغفر — يا لله يا محمود بك ... طول عمرك أسد ( يخرجان )

- حسن — ادى مبلغ عمرى ما حصلته من أملاكى ولا كنت  
حاصله
- على — هو مبلغ ... لكن النتيجة أيه ؟
- حسن — خلتنا دلوقتى فى نشوة الخمسمية جنية ... أهو محمود طب  
وشرب المقلب
- على — ما حدش عارف مين اللى شربه
- حسن — قصدك أيه
- على — ولا قصدى ولا حاجة ... طيب وأيه العمل  
فى فاطمة
- حسن — نبقى نكتب لها وصية تانية بس أما نشوف
- على — نشوف أيه ... المسألة كل مادة بتعقد
- حسن — يعنى نشوف هيه قصدها أيه .. بتحب حسن ...  
بتحب الفلوس
- على — طيب والجنة ؟
- حسن — ماهى الجنة طبعا مش جنة حسن لكن محمود بقى من  
مصلحته أن الجنة تبقى بتاعة حسن ... تأكيد الموتة
- على — وان عيلة المارد بنى أثبتت أنها لا بنهم
- حسن — أتا رى موتى عمل مشاكل غريبة
- على — ومين عارف أيه المشاكل اللى حتجد

حسن — یاسیدی لما تتمق قوی ... أظهر وأقول إني نجيت  
فی مکان بعید

علی — جایز ما یصدقو کش

حسن — بقی ده اسمہ کلام ... جرى لك أیه ؟

علی — أنا عارف کان جرى لك أیه انت

( ندخل فاطمة ) ( تبکی )

علی — معلش یاستی .. هدی نفسک کلنا لها

فاطمه — ( تجلس ویبدها مندیر تمسح به دموعها ) صعبان علیة

قوی .. مآثر فیه قوی .. کانت جنازته علیها هیبه ..

کبیره .. یا عینی علیک باحسن ... ما کانش یومک

یا حبیبی

حسن — معلش ... معلش .. ما تخلیناش نعیط .. ربنا

یرحمه .. کلنا حنموت

علی — طبعا .. ما فیش کلام ده فیه ناس بتموت وهی عایشة

فاطمه — والمآثر فیه اکثر أنه کان فاکرنی .. أمی برضة حاجة

من ربحته .. تعزینی شویة .. فتحتو الوصية

حسن — تقریباً

فاطمه — تقریباً یعنی ایه

حسن — عارفین شروطها تقریباً

- فاطمة — طيب ما تقولها لى
- حسن — حاقولها ... فيها لىك تتجوزى واحد
- فاطمة — عارفه انت يا واحد بدقن
- حسن — طيب قوالك آيه فى الشرط ده
- فاطمة — واحد بدقن كان هوه أولى
- حسن — عال ( لعل ) ضمنا الجواز
- فاطمة — بس آيه اللى سابه ليه
- حسن — أظن ميت جنبه
- فاطمة — ميت جنبه ... وبتقول ميت جنبه وحضرتك ...
- حسن — يعنى الميت جنبه ما يلعونيش
- على — لامش قصدها يا حسن
- فاطمة — لا ... قصدى كده ... أتجوزك انت علكان ميت جنبه .. ليه ( هنا يظهر أن فاطمة بدأت تفهم حقيقة الموقف )
- حسن — أظن الوصبة فيها ميتين
- فاطمة — ميتين ... ميتين آيه .. غيرش أنا كنت عايزه حاجة من ريحة — . لكن ميتين جنبه بس
- على — يعنى ما ينعوش
- حسن — يا على ... أظن ميتين وخمين
- على — أنا ماقرتش الوصبة ... ما انت قطعها

- فاطمة — قطعها . . ولازمته إليه . . سلام عليكم . . أنا غاوية  
تضييع وقت
- حسن — . . ياستى ما اتقطعتش . . دى صورة مالهاش قيمة . .  
تعالى . . . جنيه
- على — ال . . . جنيه كلها يا حسن
- حسن — ما تخسرش الدنيا يا على . . خمسمية جنيه ياست فاطمة
- فاطمة — ( تنفخ حسن ) ( وهى تفكر وتقول لنفسها ) : خمسمية  
جنيه . . خمسمية جنيه . . والسلام .
- حسن — خلاص ياست فاطمة . . تتجوز بقى
- فاطمة — مش لما أقض . . هوو احنا ختفد جزء م الوصية  
والباقي لا . . ما ينفعش
- حسن — ( لعل ) الحكاية لا حب ولا حاجة يظهر مادة وبس  
( تدخل زكية )
- زكية — اهى . . . اهى . . . اهى
- حسن — ياساتر يارب . . لإيه الحكاية
- على — يمكن قرية الماردبنى
- زكية — ده مش اسمه كلام . . ده حرام
- حسن — معلىش يا سقى . . فيه حاجة
- زكية — محمود بهدلنى . . كان حىضربنى . . يقول يموتنى .
- على — كل ده علشان جثة

- زكية — أنا باستنجد بكم أتم ... أتم كنتم أعز أصحابه
- حسن — الماردني
- زكية — ماردني مين
- عفي — أصحاب مين يا ستى
- زكية — البامبني
- حسن — عمرنا ما كنا أصحاب محمود
- زكية — لا .. حسن
- حسن — ماله حسن
- زكية — ربنا يستركم ... ربنا يخليكم ... ده بهدلى ... كان
- حبيضر بني
- حسن — مين حسن
- زكية — لا ... محمود ... وأتم أصحابه ... أصحاب المرحوم حسن
- حسن — محمود عمل فيكى إيه ... إحنا مش أصحابه ... مش
- أصحاب محمود
- زكية — أتم مش أصحاب حسن
- على — وأخواته
- زكية — خلاص ... ساعدوني على محمود ... اشهدوا ضد محمود
- ده قال لى يا نصابة ... يا مزورة ... ياللى ... ياللى
- حسن — وده كله علشان إيه

- زكية — وده كله علشان إيه ... علشان طمعه ... علشان جشعه  
الدنيا مش مالية عينه ... محمود ده
- حسن — الحقيقة لكى حق .. محمود طماع . وجشع وكل حاجة
- زكية — طيب مادام عارفين كده ساعدونى
- حسن — طبعاً نساعدك
- زكية — إشهدوا معايا
- على — بس نشهد على إيه ... نشهد معاكى ونص
- حسن — أنا مستعد أشهد ضد محمود
- زكية — أتم طبعاً عارفين ... الله يرحمه ... ويبشيش الطوبة  
اللى تحت راسه
- على — هوه مين
- زكية — حسن البامبىنى
- حسن — أنت كنت تعرفيه
- زكية — أعرفه ... هوه حد انحرق قلبه عليه زى
- على — ( الحسن ) تعرفها يا حسن
- حسن — ( ابنى ) والله دى أول مرة أشوفها
- على — طب على مهلك ... على مهلك ... ربنا يصبرك ... كان  
فيه إيه ... قولى لنا فيه إيه
- زكية — يا عينى عليك يا جوزى
- حسن — جوزك مات ... البقية فى حياتك



- زكية — يا سبعى ... يا جملى ... يا حبيبى يا حسن يا بامبىنى  
حسن — هوه كان  
زكية — جوزى ... حبيبى  
حسن — يا سلام ... أتاييه كان متجوز ولا اعرفش  
فاطمة — جوزك لىتى ... جوزك لىتى ... حسن  
على — ( لىسن ) استلم  
حسن — ( لىلى ) ولسه ... لسه  
على — ( لىسن ) يا ما نشوف ... جنة وزوجة  
حسن — بس على مهلك ... على مهلك ياستى ... هو كان متجوز  
منعرفش لانه كان متجوز  
فاطمة — يا خيبة بختك يا فاطمة ... كان متجوز وناكر منك  
يا فاطمة ولسه يا ما تشوفى يا فاطمة ( مشيرة الى حسن )  
وقال ليه وصية وجوازة ... إحنا عايشين فى ...  
حاتجن يا ناس ... حاتجن  
( فى سبيلها لتخرج )  
حسن — راحة فيه ما كانش متجوز ... تعالى تعالى  
زكية — يعنى أنا حاتبلى عليه  
( ترجع فاطمة )  
زكية — مش لىتى أول واحدة يا حبيبى ... الله يرحمه كانت  
عينه زايغة ... مش أول واحدة كان حبيصك عليها

- على — كان متجاوز حضرتك  
 زكية — آه كان متجاوزني  
 حسن — عجيبة  
 على — بقي كان متجاوز !  
 حسن — إنت متأكدة ... متأكدة إنه كان متجاوزك  
 زكية — هوو إيه اللي بتعمله ده ... ما شفتش واحدة  
 متجاوزة أبدا..  
 حسن — قولي كلام غير ده يا ستي ... ده أنا كنت صاحبه ...  
 كنا واحد ... فاهمة يعني إيه ... واحد ... كنا بننام  
 في سرير واحد ... بس حاقول إيه أكثر من كدة  
 زكية — وده ذنبي يعني  
 حسن — بس كان متجاوز ازاي ... ازاي ( لنفسه ) أكونش  
 متجاوز ومش عارف  
 ( لوكية ) كان متجاوزك ازاي ... واهو كان غاطب ..  
 هوو قال لي على الخطوبة  
 زكية — نعم... نعم حتعمل زي محمود... والناس بتتجاوز ازاي  
 على — نعم .. نعم .. والناس بتتجاوز ازاي ( لحسن )  
 يا بختك يا حسن جثة وزوجة واشيا معدن  
 زكية — والتبي لو كان عليه ماكنت أسأل .. لا أنا وحشة  
 ولا كاتعة .. لما أقول يا جواز ميت ألف يتجاوزوني  
 حسن — أمال إيه كان

- زكية — مش عليه أبدا .. ده على اللى فى بطنى .. اللى ما يقدر  
يدافع عن نفسه ويتكلم الصغير .. الآخرس .. ده  
( مشيرة على بطنها )
- حسن — اللى فى بطنك .. حبله كان .. حاتجنينى ياستى
- زكية — بعد الشر عليك يا اخويا . انشا الله اللى يكرمك ..  
حاتجنن لية
- حسن — حاتجنن
- زكية — وهوه ده يحن .. عمرك ما سمعت أن واحدة حبلت أبدا
- على — صحيح يا أخى عمرك ما سمعت أن واحدة حبلت أبدا
- حسن — بس يا على .. مش وقت هزار
- زكية — هزار هوه الحبل هزار ما كل الستات بتجبل
- على — صحيح يا أخى .. ما كل الستات بتجبل
- حسن — وبعدين بقى
- زكية — وبعدين ايه دى حتى الحيوانات بتجبل .. القطة اللى  
اسمها قطة بتجبل
- على — صحيح يا أخى .. القطة .. اللى اسمها قطة بتجبل
- فاطمة — وقال أنا باعيط عليه .. كان متجوز .. المنيل ..
- الحايب .. اللى حتى ما عرف يتحفظ على الوصية
- زكية — وصية ايه ياستى
- ( م ٤ — حرمت أموت )

- حسن — ( لعل ) بدى افتكر بس اتجوزت امتى وخلفت امتى...  
 أنا حانجنن صحيح .
- زكية — أهو أتم أعز أصحابه زى ما كان يقول لى
- حسن — كان يقول لك على حسن المقدونى
- زكية — يوه ... هوه كان على لسانه غير حسن المقدونى ...  
 المقدونى ... المقدونى أنا رايح للمقدونى
- على — المقدونى
- زكية — أنا جاي من عند المقدونى
- على — من عند المقدونى
- زكية — غبت ليه يا حسن يا بابيبنى
- على — آه يا حسن يا بابيبنى
- زكية — كنت بالعب عشره طاوله مع حسن المقدونى
- على — أهو كان يلعب معاك طاوله
- زكية — أنت خارج ومعاك خمسة جنبه راحم فين
- على — آه دى مهمة قوى
- زكية — والله حسن المقدونى استلفهم منى
- على — ياه يا حسن يا مقدونى ... ده انت صعب قوى
- زكية — دلوقت بقى خلونا فى المهم ... اتم أعز أصحابه ... واللى  
 فى بطنى ده حيسألكم يوم القيامة
- على — أيوه ده كلام مظبوط ... يسألنا عن آيه

زكية — عن حقوقه .. لازم تشهدوا معاياه ضد محمود اخوه  
الطماع ... النصاب ... اللي بينكرن وينكر ابنه  
علشان الدنيا الفانية ... علشان ياخذ الميراث

على — الدنيا اللي ما تسواش  
زكية — أيوه والنبي قول معايا ... ربنا يستر ... حتشهد معاياه  
على — اسمعى لو شهد حسن المقدوني ... لانه ده كان معاه على  
طول ... أشهد أنا راخر

زكية — كتر خيرك يا أخويا عداك العيب ( تتجه نحو حسن  
وتكلمه منفرداً بينما تتكلم فاطمه كلاماً غير مسموع مع على )  
شوف ياسى حسن يا اعز صاحب لجوزى ... انت  
فى مقام الوالد للى فى بطنى حضرتك بقى ربنا يستر  
ولا يغلب لك ولية تشهد معاياه

حسن — بس ياستى  
زكية — ما فيش بس ... هو قال لى عليك إنك راجل شهم  
حسن — قال لك كده  
زكية — آه ... هو كان له سيره إلا المقدوني ... وأنا مالياش  
بركة إلا أنت

حسن — ازاي بقى  
زكية — ولا ازاي ولا حاجة من جنبه لمية تحت أمرك  
حسن — بس ما اعرفش ياستى

- زكية — يعنى أنا حاتبلى عليه ... ليه ... فيه داعى ... أبدا  
حسن — مايمكشش
- زكية — ليه ما يمكشش ... طب اسمع ... أنا مستعده ...  
شوف بقى علشان تعرف طيبة قلبي
- حسن — أيوه
- زكية — أنا مستعده باعتبارك أعز أصدقاءه ... أتجوزك  
حسن — بتقولى أيه ... مستحيل
- زكية — مستحيل ليه أهو تبقى فى مكان الوالد لإبنه
- حسن — مستحيل ... مستحيل ... مستحيل ياستى
- زكية — طب أعمل أيه فى اللى فى بطنى ده ... هوه لولاه أنا  
كنت سألت ... هوه كان أيه المنيل ده
- حسن — ولما كان منيل ... اتجوزت ليه .
- زكية — القسمة ياسعادة البية ... القسمة غلابه ... كان ييجى  
منين اللى فى بطنى
- حسن — اتنى حتخلى الواحد يعترف ... تعرفنى أنا مين
- زكية — مين يعنى ... أبو شنب فضة
- فاطمة — أيه ده ... دول بينهم انسجموا مع بعض ... حاجة تفلق
- على — ده يظهر الانسجام ع الآخر ( بسخرية ) يامقدونى ...  
فاطمة قلقانه وعاوزه تنزل ... مش كفايه انسجام

- يا ابو ... يا ابو أيه (لزكيه) انتى حنسية أيه ( على يتوجه ناحية حسن )  
 على — ( الحسن ) ... أيه ده كله ... أيه ده كله
- حسن — تصور (املى) انى أنا متجوز ومش عارف وخالف  
 ومش عارف
- على — حلو... حلو ... جد طایل
- حسن — (املى) بلاش هزار ... دى حاجة تخلى الواحد يضحك  
 ولا يهزر ... تصدق أنها بتعرض على الجواز ...  
 عاشان اشهد أنها مرات حسن البامبى
- على — طب ماتتجوزها ... اهى تبسقى شهادة صح ...  
 تعرفى ياست
- زكية — زكية ... زكية
- على — ياست زكية لو اتجوزنى المقدونى اشهد والله  
 العظيم معاكى
- زكية — هو قال لك ... هو ماتتبلش فى بقة فولة
- فاطمة — ايه الكلام ده ... أنا ماليش قعاد هنا
- حسن — ياست فاطمة استنى شوية ... أنا حلاقها منين  
 والا منين
- فاطمة — استنى إيه ... ربنا يهنى سعيد بسعيدة
- حسن — استنى بس
- على — ( الحسن ) أدبك يا بطل حاتتجوز اثنين ... والله نلتها  
 يا حسن ... الجنة ظهرت أولا — وجات لك زوجة

- من السما ... وحيلة كان ... جاهزة ... مافاضلش  
 بقى إلا يظهر أن حسن البامبيني ده واحد تانى غيرك  
 — بلاش تريقة يا على ... أنا تعبان خالص ومش عارف  
 اتصرف لزاى
- على — يا اخويا بايضة لك فى القفص ... كنت عاوز تمشى  
 فى جنازتك ومشيت ... وكنت خاطب اقيت نفسك  
 متجاوز وحاتخلف
- زكية — ( متوجه ناحيتهما ) ماتفضوها بسقى ... قلت  
 ليه يا مقدونى
- حسن — قلت ليه ... حاقول لك أنا مين ... حتندھشى  
 ( يدخل محمود منفعلا )
- حسن — ( امل ) بظهر عرف  
 على — ( لحسن ) الثبات الثبات
- محمود — ( يمسك فى حسن ) تعالى هنا ... قوالى ... عملية  
 النصب اللى عملتها انكشفت
- زكية — ماهو صاحب حسن البامبيني ... وكان تملى ينصب عليه  
 محمود — اتقى هنا كان ... أهلا ... أهلا
- زكية — أهلا والا مش أهلا ... كلكم زى بعض ... مش  
 غريبة أى واحد فى دول ( مشيرة لإيهام ) ينصب
- على — وأنا كان ... كلمت
- محمود — ( وهو لازال ممسكا بحسن ) فين الخمسمية جنيه



- حسن -- خمسمية جنبه ليه  
 محمود — ايوه استعبط ... استعبط ... هوه أنا ينضحك عليه  
 أنا أقتل ... أنسف ... أنا أوديك في داهية  
 على -- حملك يا محمود شوية ... نتفاهم  
 محمود — بتقول حلمي ... أنت شريكه في النصب  
 فاطمة — ليه الحكاية ياناس ... الدنيا مالها مدريكه كده ...  
 ليه الحكاية  
 محمود — هيه حكاية تمحكي ... هات ياراجل الفلوس  
 حسن — هات الوصية  
 فاطمة — اتكلموا ... اتكلمو ... الحكاية حتكشف ... الوصية  
 محمود — وصية مين ... وصية مين  
 على — حسن البامبيني  
 محمود — ماتعرفش هوه عايش والا ميت  
 حسن — أيش عرفني  
 محمود — ياشيخ ... استعبط ... استعبط قوي ... عايش  
 والا ميت  
 زكية — عايش ... عايش ... يادهوني ... ده مات وشبع موت  
 محمود — مات ميين ... مات ليزاي ... ده أنا اللي مت  
 وانضحك عليه  
 حسن — ( لعل ) الحكاية انكشفت يا على  
 على — ( الحسن ) الثبات .. الثبات

- فاطمة — ماتفهمونا الحكاية إليه والوصية إليه
- محمود — الحكاية انى أنا انتصب على حاكون مضحكة العالم كله
- فاطمة — فيه إيه بس .. الوصية فن
- محمود — هو اتى مش همك إلا الوصية ... أبوه فيه وصية  
( باستهزاء )
- فاطمة — لقيتها
- محمود — لا كعيتها
- حسن — سيني بقى يا أخى واحدأ .... واقعد نتفام
- فاطمة — آه والنبي وشوف وصية المرحوم
- محمود — مرحوم مين ياستى .. مرحوم مين .. حسن البامبيني
- عائش .. عائش ( ينظر لحسن بنجدة ) حسن البامبيني
- عائش . عائش .. عائش والا لا
- حسن — بس سيني يا أخى بقى وقول اللي أنت عاوزه
- على — ( حسن ) الثبات .. الثبات
- حسن — ( على ) هو بقى فيه نقطة دم
- محمود — بتقولوا إيه لبعض ... ما انكشفت كل حاجة
- حسن — ( متشجعا ) انكشفت .. انكشفت .. أعلى مافى  
خيلك أركبه
- محمود — اسمع يا راجل انت .. اسمع بالذوق هات الفلوس
- حسن — هات الوصية اللي قطعها
- فاطمة — قطعوها .. ده أنا أبلغ النيابة
- محمود — نيابة مين ياست ... قيمة الوصية إيه ... الراجل عائش

- فاطمة — صحيح... صحيح ( بفرحة مصطنعة ) بتقول صحيح عايش ...  
حبيبي حسن
- زكية — ( لنفسها ) تبقى حكاية ... ابقى صحيح انكشفت
- حسن — يعنى عايز تقول ليه... أنا حسن البامبيني... اسمعوا كلكم  
أنا حسن البامبيني عاوز ليه... فلوس... جزء من  
فلوسى... أنا حسن البامبيني... أنا عايش .
- محمود — لا يا مقدونى ... لا ... يا حبيبي ... انت عاوز تعمل  
لعبة تانية ... على ميز بقى حسن البامبيني فى المستشفى
- فاطمة — يا حبيبي يا حسن ... انهى مستشفى
- زكية — ( لنفسها ) يا دھوقى ... حاروح فى داهية
- حسن — حاموت ... حاجنن ... أنا حس البامبيني
- على — ( لحسن ) حلك شوية يا شيخ ما هو ده يوم المنى والله  
نلتها يا حسن
- حسن — نلتها
- على — أمال يا سيدى
- محمود — اسمع أنت وهو... دى حكاية ... اتم وضبتوها علشان  
تنصبوا عليه
- فاطمة — فى انهى مستشفى . . فى انهى مستشفى
- محمود — وهو حينخرج سليم . . أنا ليه معا حساب
- حسن — انت عارف انت بتقول ليه
- محمود — ايوه ... استعبط ... ما انت مقدونى ... معروف

- باللوم والخذاع  
 حسن — اتكلم كويس  
 محمود — أنا اللي اتكلم كويس ... حسن البامبني في المستشفى  
 الميرى .
- فاطمة — حبيبي يا حسن ... حاروح له هوا  
 حسن — رايحة فين ... تعالى  
 فاطمة — رايحة لحبيبي ... خطيبي (لنفسها) أما أجنه - (لحسن)  
 رايحة له - رايحة لحسن حبيبي  
 زكية — (لنفسها) وانا أما أخذها من قصيرها .  
 (تفزع فاطمة وزكية)
- حسن — انت بتضحك يا محمود  
 محمود — أنا باضحك ... أنا ببنضحك عليه ... حسن طلعه م البحر  
 بعد التيار ماجرفه وعملوا له إسعافات ... وقعد يخرف  
 كام يوم ودلوقت بقي أحسن .. مش ده كله توضيبيكم  
 على — والله نلتها بصحيح يا حسن  
 محمود — على مين ... مش ده كله توضيبيكم  
 حسن — إلحقني يا على ... اسندني يا على ... أنا مت بصحيح يا على  
 على — ما انت بت من زمان يا خويا ... أهى بقى رسمي  
 خالص .
- حسن — حاموت ... حاموت (يقع على الأرض)  
 محمود — تموت ماتموتش ... الخمسمية جنبه .

## الفصل الثاني

### المنظر الأول

في منزل على - نفس الحجرة - حسن - على

على — دلوقت يا حطما بقاش في نفسك حاجة .. ميت وانت  
حتى .. خاطب ومتجوز من غير ما تتعب نفسك ..  
وبعد كده لقيت نفسك كان .. وأخوك رايح يستلمك  
م المستشفى

حسن — أيوه جيستلني .. جيستلم الراجل النصاب .. أنا  
حأقول كل حاجة

على — والاش حتخلف كان ... ومشيت في جنازة نفسك  
حسن — كفاية كده .. أنا حأدب الناس دول .. حاديلهم درس  
على — جيالك .. جيالك .. هيه المسألة سهل قوى كده .. زى  
ما أنت متصور .. ما انتفش فا كر يوم ما قلت أنك  
حسن البامبني ..

- حسن — افستكروا لى عاوز انصب على فلوسهم
- على — اهو ده الى حيحصل دلوقت .. حيقولوا لىك مدعى  
ونصاب وطمعان فى الفلوس . خليك ميت أحسن .  
أما نشوف حملوا فى بعض ايه .
- حسن — جيعملوا ايه .. طيب الجثة وقلنا دى ما بتتكلمش ..  
وشيوخ الغفر عملها .. وأولاد الماردى طالبوا بجثة  
قريبهم .. لكن واحد يدعى أنه هو حسن البامبىنى
- على — جايز ما ادعاش .. همه قالوا له انت حسن البامبىنى ..  
لقى لك ثروة وأملاك .. وزوجه واللى فى  
بطنها .. وخطيبه قال لك الاقوى زى دى فىن ...  
سكت وجايز ...
- حسن — جايز ايه كان
- على — جايز يكون هو حسن البامبىنى
- حسن — وأنا ابقى على كده مين ؟
- على — انت راجل عظيم ... من قرايب وأحفاد الاسكندر  
الأكبر ... المقدونى
- حسن — أيوه ... قول ... وأنت ايش على بالك ... اضحك  
عليه ما أنا أصبحت مهزاه
- على — أنا ما باضحكش ... أنا باتكلم ... ماهو يا كده يا اما ...
- حسن — يا أما ايه ياسى على

- على — أما انك تفضل مقدوني ... يا حنروح كلنا في داهيه...  
أنا وأنت
- حسن — بقى الزوجة المزيفه دى ماتروحش في داهيه... والولد  
اللى في بطنها اللى مالوش أساس ... والنصاب اللى  
بيدعى أنه حسن البامبيني... دوله ما عليهمش حاجة...  
وأنا اللى حاروح في داهيه
- على — ماهو انت اللى ظلمت نفسك ... أنت سبب ده كله  
حسن — وأنا كنت باحسب أن ده حيحصل ... ما كل الناس  
بتموت ما ييحصلش ده ليه
- على — الناس بتموت حقيقى ... مش بتدعى أنها ماتت  
وتعمل ضجة ... والجرايد تكتب وجثة ومشرحه ...  
الموت مش لعبة الناس تلعب بيها .
- حسن — يا أخى وافرض مت حقيقى ما كان ده حيحصل  
على — لا ... الدنيا بتدى كل واحد على قده ... أنت زيفت  
الموت ... رخرين زيفم ده كله عليك
- حسن — ساعات بتتكلم كلام فارغ ... وساعات بتتكلم  
كلام موزون
- على — ثم تعالى يا أخى ... أنت مش كنت عاوز تموت ...  
أنت مالك بقى ... الميت يهمله ايه من اللى يحصل  
بعد ما يموت ... اللى يحصل يحصل

- حسن — وهو أنا عملت ميت من شيء شويه ... ما أنت عارف ...
- أنا كنت عايش ميت ... خطيبتى ورفضتني ... والناس  
كلها بتهاجنى ... وأخويا استكردنى ووضع يده على  
كل اللى ليه
- على — هو يعنى القيامة كانت قامت كل حاجة كان لها حل
- حسن — ازاي بقى يا فصيح
- على — حكاية خطيبتك بسيطة
- حسن — ازاي بقى
- على — كنت تحلق دقنك
- حسن — وأخويا
- على — البلد فيه قانون وعداله وعالحكم
- حسن — والناس
- على — كنت تحاول تعاملهم بعقل ... ما كل الناس بتعامل
- حسن — آمال قتلش ده ليه ... مش انت اللى جسمت فى  
ذهنى فكرة الموت ... مش أنت اللى طلعتها فى مخي .
- على — لا ... لا ... لا احنا كنا بنضحك .. بنتسلى
- حسن — بنتسلى
- على — آه .. آه .. آه .. كان كلام .. زى الواحد ما يشطح بتفكيره  
أنه حيتجوز كليوباتره يقوم حيتجوزها .. يعمل زى  
نابليون .. حيعمل .. حيطلع القمر .. يقوم يطلع



- حسن — أهي دى بقى ممكنة  
 على — أديك طلعت القمر .. خليك بقى فيه  
 حسن — وهو ده القمر  
 على — زوجه وخلفه جاهزة .. وراجل يحمل اسمك وجهه  
 ومين عارف .. اما ده راجل لطيف خالص ..  
 تعرف أنا مشتاق أشوفة  
 حسن — راجل لطيف .. ايه اللطيف فى الحكاية .. لكن  
 محمود .. من يوم ما راح له المستشفى محدش شافه ..  
 يمكن  
 على — يمكن ايه  
 حسن — يمكن كشفه .. ده لازم يموته .. لانه كان عاوز  
 يورث  
 على — ما هي الست زكية طلعت له بطنها  
 حسن — بس محمود شاطر قوى  
 على — أهو هنا حيتحقق المثل .. ما يقعش إلا الشاطر  
 يا شاطر  
 ( يدخل محمود )  
 محمود — سلام عليكم  
 حسن وعلى — وعليكم السلام ورحمة الله وبركاته  
 ( يسلم عليهما )

- محمود — بقى انا جاى دلوقت بالراحة .. بالهدوء .. وعاوزين  
نقعد كده شويه نتفاهم
- حسن — أيوه ... أهو كده كويس
- محمود — نشوف مصالحنا اللى اتلخبطت دى
- حسن — بس طمنا قبله ... لقيت أخوك
- محمود — لقيته
- حسن — لقيته بجد
- محمود — أمال لقيته بهزار .. يعنى ايه لقيته بجد .. أما دى  
غريبه .. ما كنتش عاوزنى لألقيه
- حسن — يعنى هوه هوه ... أخوك
- محمود — غريبة قوى .. أيوه هوه
- على — ( يعنى ) هوه هوه اللى شاغلنى هوه
- محمود — هوده وقت غنا
- على — وقت غنا وبس .. ده احنا لازم نقم الأفراح والليالى  
الملاح .. صاحبي وكانوا قالوا مات وبعدين ظهر أنه  
عائش .. ما اغنيش .. لو اعرف أزغرط كنت  
زغرط
- حسن — لكن أنت متأكد أنه هوه

محمود — إلا متأكد .. هو أنا حانوه عن أخويا .. لكن ايه  
لازمة ده كله .. انت عايز تسرح بيه

حسن — يعنى هو بدقنه

محمود — لا .. مش بدقنه .. ماهو لما التيار جرفته حصلت له  
بعض اصابات .. انطس فى مركب واتعور .. علشان  
يعملوا له عملية فى وشه حلقوا له -قنه .. راجل شاف  
الهوايل .. معقول يتغير

على — معقول قوى قوى

حسن — يا على .. احنا دلوقت فى كده .. خليك جد .. يعنى  
أنت متأكد على كده أنه أخوك

محمود — طبعا .. أخويا

حسن — ولما شافك .. عرفك على طول

محمود — لا .. ما عرفنيش .. لآيه بيخرف على خفيف

على — مأتأخذونيـش إن خرفت أنا راخر

حسن — بيخرف ازاي .. من ايه

محمود — من نتيجة الحادث .. وببـتـسـكـم بـيـن وشمـال بـيـقـول

خطيبتي .. مراني .. ابني

حسن — بيقول ابنه

محمود — ما أنا كنت فاكر ان زكية نصابة

- على — لا ... لا ... لا ... لا ... ده ظهر أنها ست شريفه  
جداً
- محمود — صادقه ... مسكينه الوليه ... أتبتك بيه ... ده مصيبه  
لكن أنا بقى اللى حاتحمل ده كله ... وقال المغفل ما  
كانش يستكفى بيها ... كان خاطب ... لكن أنتم  
تسرحوا بيه قوى ... أنا فى الخمسمية جنبه
- حسن — خمسمية جنبه أيه ... أنهيه
- محمود — بلاش استعباط ... احنا قلنا عاوزين نحل المسألة بهدوء
- حسن — مسألة أيه ؟
- محمود — مش عاوزين نخش مع بعض فى مشاكل ... الراجل  
وظهر ... وأنا بابتكلم بكل هدوء أهه ... لكن بعدين ...
- على — بلاش بعدين دى ... الهدوء حلو قوى قوى
- محمود — بس له حـد ... الهارده أنا حاعمل اللى عليه ...  
وبعدين ... يبقى كل واحد يتحمل بقى نتيجة عمله  
واستعباطه ونصبه ... دلوقتي ما فيش محل للوصية  
خالص
- حسن — وصية مين
- محمود — وبعدين بقى ... انت مش عارفنى كويس ... هو  
ما كلبكش عنى ... حسن البامبيني صاحبك ما كلبكش  
عنى ... ماتعرفنيش وإلا أيه ... أنا وحش ... وحش  
قوى وحلو قوى

- حسن — كلنا بقينا وحشين
- محمود — يعني حضرتك راجل جدع ... تضحك عليه ... من نسل الاسكندر زى ما بتقول
- على — مقدوني ... مقدوني ونص
- محمود — لا حترد المبلغ ... عندى الطريقة ( يقوم مهدداً ) ... ما تفتكرش إنك تهرب منى ...
- أجيبك من أيدين الجن الأحمر ... من بين العفاريت الزرق
- حسن — أسمع ... بس ... اسمع ... أحنا الأول نشوف حكاية الراجل النصاب ده
- محمود — هو فيه نصاب غيرك
- حسن — الراجل اللى يقول أنه حسن البامبين
- محمود — ده نصاب .. مين قال أنه نصاب
- حسن — ما هو ده مش أخوك
- محمود — انت حتجننى والا آيه
- حسن — يمكن ما تكونش شفته كويس
- محمود — يا ناس ... يا عالم ... يا بنى آدمين ... يا قروء ...
- يا جن ... يا شياطين ... أنا ... محمود ... ما أعرفش أخويا ... ما تسرحش بيه .

- حسن — يعني هو هو هو
- محمود — هو يقتل دمه ... بسخافته ... رخامته بلاويه ...  
بيلادته
- علي — حلو
- حسن — بتقول ما كلسكش ... بيخرف
- محمود — ودي جديدة عليه ... ما هو طول عمره عايش يخرف  
هو التخريف جديد عليه
- علي — هو التخريف جديد عليه
- حسن — يعني عرفته
- محمود — انت يا بني آدم إيش دخلك في عيلتنا
- علي — حقيقي يا أخي .. راجل وأخوه .. إيش دخلك بناتهم
- حسن — ما هو صاحبي يامسي على زي ما هو صاحبك
- محمود — شوف الراجل القارح .. بقي صاحبك زي أخوك ...  
ما لكش أخوات ... ماتعرفش حب الأخ لأخوه
- علي — ( يقبل محمود ) يا سلام ع الحكم .. حقيقي حب الأخ  
لأخوه .. انت بتحب أخوك يا محمود
- محمود — مش أخويا .. أهو مجنون مثلا دلوقت .. برضه أخويا  
كان زمان بيخرف برضه أخويا ... كان مقرف ...  
برضه أخويا
- علي — تشكر على المواقف النبيلة دي
- حسن — كان نفسي بس أشوفه

- محمود — دخلك انت ليه بقى  
حسن — مش صاحبي  
محمود — لما هوه صاحبك ... كنت ليه بتدعى أنك حسن  
البامبيني ... كنت عاوز تستولى على ثروته ومراته  
وخطيبته  
على — وابنه  
محمود — فكرتني .. وابنه كان  
حسن — يعنى ماليش حق انى أزور صاحبي  
محمود — ياسيدى ... حتشبع منه ... حينخرج بعد كام يوم ...  
وحاجبيه لك لغاية عندك ... ابقى كله ... قرقشه  
حسن — أنا باعرف آكل حد .. خلى اللى بياكلم ياكلم  
محمود — ما تعرفش تاكل حد .. ده انت كلتنى أنا .. كلت  
محمود اللى عمدش عرف ياخذ منه ملهم .. كلت منى  
خمسمية جنبه .. لكن ده بعدك  
على — أبوه .. الحكاية حتعلى قوى قوى قوى  
حسن — كل الناس واكلى .. فاطمة .. زكية .. الولد اللى  
فى بطاها .. الراجل اللى فى المستشفى  
محمود — وانت مالك انت ومال حسن البامبيني إحنا عيلة محترمة  
على — مش صاحبه ... وصاحبه الاوحد

- محمود — یعنی عايز حضرتہ مادام صاحبہ .. لا يخطب ولا يتجوز ولا يخلف ... كفاية عليه المقدوني ... ما فيش ع الحاجر غيره
- علی — حقیقی یا اخی ... مادام أنت صاحبہ ... عاوز تكون أنت خطيبته ومراته وابنه وهوہ كان
- محمود — دی أخلاق إيه دی ... ده أنا اللي اسمي أخوه ... والوارث له مش زعلان
- حسن — مش يمكن ... يمكن اللي بتدعى انها مراته دی ... یعنی ... بقى ( تدخل ركية )
- زكية — عینی عليك یا حسن ... عینی ع اللي صابك یا حبیبي ... كان زى الوردة ( موجهة كلامها لمحمود ) انا سألت عليك قالوا إنك هنا وهمه حددوا لخروجه النهارده .. قلت لازم أخوه یبجی معايا ناخده
- محمود — کتر خیرک یاستی ... والله انتی مسکینه ... اتحملتی کثیر وحتتحملی کثیر ... طلعتی أحسن من ناس کثیر قوى قوى
- حسن — هیه راحت له
- زكية — ماروحش لجوزی . . هو أنا قليلة الاصل
- حسن — وعرفك . . . عرف انك مراته
- زكية — حبة عینی ... هوہ عرف حد غیرى



- محمود — ده أول ما شافها راح واخذها بالحضن  
 زكية — وأخويه كان زاره قبل منى وعرفه  
 حسن — أخوكى! ( لعل ) - بعثت أخوها الاول يتفق مع الانصاب  
 زكية — كان دى فيها حاجة ... عمرك ما سمعت أن واحدة لها أخ  
 على — آه حقيى عمرك ما سمعت أن واحدة لها أخ  
 حسن — وعرفتيه  
 زكية — هو إيه الكلام الماسخ ده ... عرفك ... عرفتيه ...  
 لىك أخ ... دى عشرة عمر ... علشان ما هو تعبان  
 اسويه ... هو أنا قليلة الاصل ... والا عايز تقول  
 حاجة تانية ... تعرف يا سى محمود ... الراجل ده  
 ( تشبر لحسن ) اللى كان بيدعى ايه حسن ... عرض  
 على أتجوزه  
 حسن — أنا عرضت أتجوزك والا أنتى  
 زكية — قطع لسانك ... انت إيه انت ... انت تسوى إيه جنب  
 جوزى  
 محمود — يا نهارك باين ... انت ايه ... أنا وقعت فى ايدين  
 مين ... ايه اللى رماك علينا ... لكن معهلش  
 زكية — هو عمل فيك حاجة  
 محمود — حاجة ... لكن هو مين ... ده أنا محمود ... له  
 دوره ... بس اتنى حتتعبى يا ست زكية من تخريف  
 حسن لما يطلع من المستشفى

- زكية — أنا اخد مه وأخدهك يا راجل يا شهيم برموش عنيه
- حسن — يا محمود... أنا بس بدك تسمع منى... ها ودنى على  
قد عقلى... الراجل اللى بتسكلم عليه ده...
- زكية — الراجل مين جوزى... ما تجبش سيرته على لسانك
- محمود — سبيه... سبيه... ماله... الراجل ده
- حسن — مش يعنى يمسكن... ما دام بيخطر ف... يكون مش  
هو حسن
- محمود — لكن عرف مراته... خد ها بالحضن... يبقى كلام  
حضرتك ايه
- حسن — بيخطر ف ليه... ازاي
- محمود — يا سيدى حاجة طبيعية جداً
- حسن — طبيعية جداً...!
- على — وجداً طبيعية
- محمود — راجل شاف الاحوال وحصلت له صدمه . ضرورى  
يخطر ف... ويخرف... الصدمة الصدمه
- على — (الحسن) تكونش دى مراتك حقيق
- حسن — (على) يظهر أنا اتجننت
- على — (الحسن) ما هو عرفها اه
- حسن — يعنى هو قال لها أهلا بالست بتاعتي

محمود — علشان تعرف انك راجل فاضى ... وعلشان تعرف  
ان ما فيش فايدة وانك انكشفت .. وعلشان تخلص  
كل اللي عندك ... اسأل زى ما انت عايز ... عايز  
تقول ايه

حسن — يعنى هيه مراته حقيقى  
زكية — أهو أخوه يقول لك  
محمود — كل حاجه ماهيش حقيقة ... إلا حضرتك ... ما فاش  
حاجة حقيقة إلا حضرتك

حسن — يعنى عرف اسمها  
محمود — طبعا وخدها بالحضن ... وده طبيعى  
حسن — وبقيت الناس عرفهم  
محمود — طبعا لا ... لأن الصدمة كانت شديدة وده شىء طبيعى  
زكية — هو حيفتح لنا محضر وإلا ايه ... هو ايش ادخله  
بين الست وجوزها وسلفها

على — حقيقى ايش دخله بين الست وجوزها وسلفها  
زكية — أنا ماليش حد غيره ... والبركة فيك ياسى محمود ...  
انت سد ورد لنا كلنا

محمود — حقيقى هو ماله ومالنا ... هو دخله ايه  
على — حقيقى هو دخله ايه

محمود — يا الله بينا ياست زكية نروح لحسن أحسن يستغيثونا ..

(لحسن) أنا بس علشان كرامة الست مش عابز اكلبك

دلوقت ... لكن راجع لك ... بعد ما يخرح حسن

حاجيلك مره واحدة وبعد كده كل واحد يشوف شغله

زكية — يا الله بننا ياراجل ياطيب يا الله ... لإنشاء الله تعيش

لحسن وحسن يعيشلك

محمود — يا الله ع المستشفى

زكية — يا حبيبي يا جوزى .. محدش عمل فيه العملية المنيله دى

إلا أصحابه دول

محمود — الله ... صحيح .. يكونش علشان الوصية والفلوس

والادعاء عملتم فيه كده .. رميتوه فى البحر بس ...

بس ... أنا حاعرف شغلى ... حاتخذ اجراءاتى ...

إلا إذا دخل عقلك فى رأسك يامى مقدونى وانت

ياسى على

على — وعلى داخله ايه .. أنا ماليش دعوه خالص

محمود — لا .. لا .. ست زكية خلتنى افتكر حاجات . شيخ

الفقر قال لى بينى وبينه إنك كنت معاه ع البحر يوم

ما وقع فى البحر

على — أنا أبدأ

- محمود — ازای .. مین عارف . جایز أنت اللى زقیته .. جایز  
المقدونى . جایز عملتوها مع بعض .. مؤامرة عشانه  
تستولم على فلوسه . هیه كده .. ما فیش غیر كده
- زکیة — تمام یاسى محمود . تمام هو ده
- محمود — ده أتاى أخویا مسکین ومراته مسکینه
- حسن — مسکینه
- محمود — آه طبعاً .. تعمل ایه فى اللی فى بطنها .. یا الله بینا  
یاست زکیة .. یا الله یاست الستات .. أنا حاعمل  
اجراءاتى ( و طریقهم لى الباب )
- علی — وأنا اللی دخلت فى الموضوع بدون مناسبة ...  
استلم یا علم



## الفصل الثاني

### المنظر الثاني

#### نفس الحجرة

مدعى حسن — يا أخويا على راح ينده للمقدوني .. ما جاش  
عسران — يمكن مالمقاهوش .. ومحمود اسه ماجاش  
مدعى حسن — محمود ده ظريف قوى .. فى الأول لما جه المستشفى ..  
وشافنى قال عليه ده مش أخويا أبداً .. ولما قلت له  
يا أخويا ده أنا حاعم لك توكيل وتبقى المتصرف  
على كل شىء بقيت أخوه

عسران — الحكاية كانت غريبة قوى . أنت قرئت خبر غرق  
حسن بك البامبى فى الجرايد وبعدين خبر النزاع على  
الجمعة .. جتنا فكرة انك تدعى أنك حسن وكنا عاملينها  
ضحكة ... وبعدين لما حصلت لك الحادثة وانطسيت  
فى العوامه ... سقنا فيها

مدعى حسن — بس فيه حاجة ... دلوقتى اتنين ستات واحدة وزوجه  
وواحدة خطيبة

عمران — ياسيدي حد لاقى ... أملاك وأطيان وزوجه وخطيبه  
وأشيا معدن ... الخطيبه دى أمرها سهل ... ابقى  
مينها لى

مدعى حسن — بس أصحابه دول جايز يكونوا تعالب  
عمران — ولا تعالب ولا حاجة ... أنت أمشى فى الطريق اللى  
أنت ماشى فيه ... تاخذ اللى تاخده بالحضن ...  
وساعات تصهين ... والحاجة السهل تجاوب عليها

مدعى حسن — والصعبة انتهت واطحرف  
عمران — وأهو الأستاذ النفسانى قال  
مدعى حسن — لا ... أنا حاملى زى ما قال ( يقوم مدعى حسن بمثل )  
عنده فقد ذاكره ... متقطع ... شوية يبقى طبعى  
خالص ... وشوية يبقى غير طبعى خالص ... وشوية  
يبقى طبعى خالص وغير طبعى خالص يعنى نص  
ونص مفهوم

عمران — برفوا عليك ... بمثل قدبر  
مدعى حسن — بس أنا مش خايف الا من الأستاذ ده  
عمران — ياسيدي المسألة تستاهل ... وأنت طول عمرك غاوى  
تمثيل ... وأهو جالك أحسن دور ... الدور ...  
الدور الخالد ... يعنى أحسن م اللى كنت بتعمله



- مدعى حسن — ما أخاف في الهواء سوا
- عسران — عل كل حال ده الدور الخالد
- مدعى حسن — ده دور طويل قوى عازز العمر كله ... أمثله العمر كله ... أما الحكايات دى اللى بالك فيها .. كنا بنعملها ساعة ... اثنين ... يوم ... اثنين
- عسران — وما له الرواية بتنجح لما بتتمثل أسبوعين .. شهرين .. سنة ... لكن دى انجح رواية حتتمثل طول العمر وانت البطل
- مدعى حسن — بس خايف دور البطولة ده ياخذ عمرى ... احنا عاملينها كوميدى ... يمكن نقلب تراجيدى
- عسران — يبقى تجديد ... ما هو دلوقتى فيه اللى بيسموه ترجيكوميديا
- مدعى حسن — برضه أنا مش مطمئن
- عسران — ياسيدى اطمئن ... اطمئن ... ده انت بقيت ممثل مهول .. ومؤلف ومخرج كان .. وحتخلى غيرك يمثل كان .. ما هى الحياة تمثيل فى تمثيل
- مدعى حسن — مش ممكن الرواية تكون أكبر من الممثل
- عسران — دى رواية مالهش نظير .. والظروف هى اللى عملتها
- مدعى حسن — بس النهاية
- عسران — حتكون إيه النهاية .. نهاية الحياة كلها معروفة ..

حتكون أوحش منها أبدا... قدامك الناس كلها .. بلاش  
 بص للرواية دى نفسها .. حتكون نهايتها أوحش  
 من نهاية حسن البامبيني اللى غرق .. أوحش من  
 حياتك اللى كانت ...

مدعى حسن — بس .. بس

عسران — أوحش من يوم ما انطسيت فى العوامة .. الحياة  
 آخرتها واحدة معروفة للكل

مدعى حسن — حاسب فى الكلام .. حاسب .. أنا سامع حسن رجلين  
 ( يفتح الباب .. يدخل على ومعه حسن )

على — أدينى جيبته أهه

حسن — سلام عليكم

عسران — عليكم السلام

على — ( يشير لى مدعى حسن )

حسن — ( يذهب نحو مدعى حسن وبصوت عال ) سلام عليكم ..  
 مش سامع

مدعى حسن — هه .. آه .. كويس خالص

عسران — بيخطر فى .. أصله تعبان النهاردة .. ( يقترب من

مدعى حسن ) ده بقى حسن المقدونى صاحبك ...

حسن المقدونى صاحبك .. مش عارفه

حسن — صاحبك

- عسران — خليك معانا شوية  
 مدعى حسن — خليك معانا شوى... شوى... خد عينى
- عسران — جاله الدور يظهر... هو اخوه مش جاى دلوقت...  
 اهوه على كده... ساعات يبق طبيعى خالص...  
 وساعات يبق وحش خالص... وساعات يبق نص  
 نص انا قربت اكفر بى
- حسن — وتكفر ليه... ما تخليك مؤمن احسن
- عسران — والله من يوم ما انقذته م البحر وهو مطسوس فى  
 العوامة... وانا مكلفنى امشى معاه والواحد هلك
- حسن — مش بيدراك عرقك
- عسران — أيوه بس الواحد يحب يتعامل مع راجل طبيعى...  
 مش واحد كل ساعة فى حال
- حسن — وحضرتك يعنى انقذته ازاي
- عسران — انا عارف انى حانسل فى الحكاية دى مية مرة...  
 طبعته ع الماكثة... اهى ( يخرج من جيبه رزمة أوراق  
 يسطر له ورقة )
- حسن — ( يتناولها ) بس بدنا ندردش
- عسران — والله ما بقى فيه مخ للدردشة... اهى عندك الورقة...  
 انا غلبت دردشة
- حسن — ( لعل ) شايف اللثيم علشان ما ينكشفش

- على — ( الحسن ) لا سيك منه ... المهم الثاني
- حسن — ( مدعى حسن ) أهلا ... أهلا ... أعز الحبايب فاكرنى
- مدعى حسن — ( بهجم على حسن محتضنه ) آه ... آه ... تمام .. تمام  
( يقبله لحد المضايقة )
- عسران — مش فاكروه ... حسن .. صاحبك
- مدعى حسن — ( بهجم على حسن يقبله لحد المضايقة وهو يكرر آه تمام تمام ؛
- عسران — والثانى على — صاحبك
- ( بهجم على على محتضنه ) آه ... آه ... تمام تمام
- ( محتضنه لحد المضايقه ) ( يدخل عمود ) ... سلام عليكم
- ( وبهجم مدعى حسن ومحتضنه ) آه ... آه ... تمام تمام
- ( محتضنه بلا مضايقه )
- محمود — مسكين ساعات يبقى طبيعى خالص وساعات يفقد  
ذاكرته .. وساعات يبقى نص ندى
- حسن — ربنا يشفيه ... ربنا يشفيه ( وجها الكلام لعسران )
- لكن ازاي لما فقد ذاكرته عرفت أنه حسن البامبيني
- مادام ما بيتكلمش
- عسران — وقت المصادمة زعق ... الحقونى الحقونى ... أنا
- حسن البامبيني وكان فى جيبه الجوانى شويه أوراق
- حسن — لكن ده شيخ البلد قال أنه قلع هدومه
- عسران — يظهر حضرتك مابتقراش جرايد ... قلع هدومه

الفوقانیہ ... کان عاوز ینقذ الواد فرمی نفسه بھدومه

التحتانیہ ماہی دی بقی سبب أن التیار جرفه

حسن — آہ کده یا حسن ( .وجها الکلام لمدهی حسن البامینی )

مدعی حسن — حد بیکلمنی ... أنا فین ... آیہ اللی کده

محمود — أهو ابتداً یفوق

عسران — حضرتہ حسن المقدونی صاحبک

مدعی حسن — ( یهجم علی حسن البامینی ) أهلا ... أهلا ... صدیقی

العزیز... أهلا ... أهلا بالراجل اللذیز

حسن — اللذیز

مدعی حسن — أهلا... أهلا بالذهب الابریز

محمود — أهی دی کانت لازمتہ تمام ... لازمة أخویا

حسن — یا شیخ

عسران — وحضرته

مدعی حسن — علی . علی بتاع الزيت ( یهجم علی علی ) أهلا .. أهلا ..

یا بتاع الزيت . . نورت الحته والیت وشنبک م الحیط

للحیط (منفیه)

محمود — تمام دی لازمتہ

علی — تمام ونص وربع

محمود — انت بتألس

مدعى حسن — أنا حسن .. موش حسن .. وحش .. موش وحش ..  
تمام .. تمام

محمود — كده .. بقى دى الصداقة تخلوه يتلخبط تانى  
( يرت على كتفه ) ملعش .. ملعش روق .. روق ..  
رووق يا ابو على

عسران — واللى تروق .. سايق عليك النى تروق .. دوله  
بيضحكوا معاك .. خليك معانا .. أخوك أه ..  
وزمان مراتك جايه ويمكن خطيبتك .. فرحهم يا شيخ  
وأرجع لعقلك

مدعى حسن — هاعمل فرح .. كبير .. كبير  
محمود — ( لحسن ) أهو ياسيدى أخويا .. أدبك شفته بعينك  
وعرفك وعرف على مافيش داعى للوصيه ايدك بقى  
حسن — آه .. آه .. تمام .. تمام أنا حسن .. موش حسن ..  
وحش موش وحش هاعمل فرح كبير

محمود — ( لحسن ) بلاش استعباط بقى أحنا بنهزر  
( تدخل زكيه )

( يراها مدعى حسن فيهمج عليها محتضنا لها )

مراتى .. حبيبتي أم أولادى

حسن . — والله عال ( لعل ) بقى ده يبقى حسن .. تكونش الوليه

مراته حقيقي .. وهو ادعى أنه حسن وهيه مراته

على — (الحسن) تبق مراته بحق وحقى بقى  
 محمود — شفت ياسيدى (الحسن) عاشان تعرف أنه حسن صحيح...  
 أهو عارف مراته

حسن — (محمود) ودى مرات حسن .. مش كنت بتقول عليها  
 مدعيه

محمود — الرجوع للعق فضيله .. لما عرفها .. عرفت أنها مراته  
 حسن — يعنى بتثبت أنها مراته بيه هو و تثبت أنه حسن بيه هيه  
 عظيم جداً

محمود — بلاش بقى هزار بايخ .. آدى الجمل وآدى الجمال  
 حسن — لا ده موش حسن

مدعى حسن — حقيقى موش حسن (يذهب نحو زكيه انت اللى حسن  
 يا جميل ( يبنى ) ياخولى الجنيته ... ادلع يا حسن

زكية — كبدى عليك .. حيموتوك أصحابك ماتصلو على النبى  
 وتخلوا الراجل يرجع لنفسه

حسن — ياسيد محمود حسن حسن أنا أيش دخلنى .. الوصيه  
 وخذتها .. قطعتها

محمود — والخمسية جنيه

عسران — بتتكلم فى آيه دول سايين الراجل يهوى . يالله  
ياشيخ .. يالله  
( فاطمة تدخل )  
حسن — مين .. فاطمة  
عسران — آه دى خطيبته

مدعى حسن — ( يهجم عليها يحتضنها ) خطيبتي .. خطيبتي (فاطمة تتخلص منه)  
زكية — ( لفاطمة ) بقى اسمعى أحسن حاجه ابتعدى عنه ..  
الراجل مدووش وعاوزين نرجعه لعقله .. جنتوه يا عالم  
فاطمة — ماهو أنا ما أصدقش أبدا أنه متجوز .. مش معقول  
محمود — وبهدين بقى .. ياستى حلى عنه .. وحلى عننا  
فاطمة — أنا بس عايزه أعرف آيه كان فى الوصية .. مجرد العلم  
بالشئ

محمود — بقى كده .. وصية آيه والراجل عايش .. مش ده حسن  
فاطمة — حسن .. طبعا .. حسن  
حسن — طبعا ( لعل ) آيه ده يا على  
على — ( لحسن ) استلم يا عم ما فيش اجماع على باطل ... لازم  
هو حسن

حسن — ( لعل ) وأنا  
على — ( لحسن ) أنت المقدونى على سن ورمع ... حفيد  
الاسكندر الاكبر ... نسل الملوك والامراء .



- فاطمة — ( مقتربة من مدعى حسن ) بس يا حبيبي ... اتذكر  
شوية ... فاكر الوصية ( وهى تنظر لحسن تريد اغاظته )  
مدعى حسن — الوصية ... النبي وصى على سابع جار  
فاطمة — اتذكر شوية ... شوية ... أصل الوصية ضاعت  
مدعى حسن — ضاعت ... نخبز غيرها  
عسران — أوعى تعارضيه  
فاطمة — طيب نخبز غيرها ... طيب كان فيها ايه  
مدعى حسن — دقيق وسمن وزبيب  
فاطمة — دقيق وسمن وزبيب  
محمود — ياست فاطمة هو ده وقته  
فاطمة — علشان هنا المقدوني اللي ضيع الوصية ... الخايب ...  
البايخ ... السخيف  
حسن — الخايب — البايخ السخيف ا  
فاطمة — ( لنفسها ) أما أغيطه ( لحسن ) آمال اللي يضيع  
الحاجة يقي ايه ا  
محمود — دى كانت حكاية نصب  
فاطمة — طيب أسيبكم دلوقت  
محمود — أما الراجل ينخف يبقى فيها فرج  
فاطمة — وأنا بعد ما عرفت أنه متجوز يخلصنى لآلى اتجوزه  
واهدم بيت ... ده أنا كنت مش عارفه أنه متجوز ...  
عن أذنكم

- مدعى حسن - إذنك معاكي يا خطيبة الهنا ...  
 حسن - فاطمة ... فائمة ... تعالى ... عاوز أقول لك  
 محمود - تقول لها ايه ... الراجل ده حشرى بشكل  
 مع السلامة ياستى مع السلامة  
 ( تخرج فاطمة )  
 حسن - ( للى ) الراجل ده ممثل جبار  
 على - ( لحسن ) ممثل بس ... ومؤلف ومخرج ومجهور  
 ونقاد ... ده عالم لوحده  
 ( يدخل شيخ الغفر )

- شيخ الغفر - سلام عليكم  
 الجميع - عليكم السلام ورحمة الله وبركاته  
 على - شقة غربية يا شيخ الغفر فيه حاجة  
 شيخ الغفر - طبعاً فيه حاجة ... أنا مكلف بتنفيذ أمر نقل الجنة  
 لعيلة الماردنى

- محمود - طيب ما أنا أديت إقرار بالنقل وتنازلت عن التمسك  
 بعدم النقل

- شيخ الغفر - أنا بقى فكرت مادام حسن بك نفسه ظهر فلازم  
 هوه اللى يتنازل عن الجنة ... مش جتته !

- حسن - جتته  
 شيخ الغفر - فأنا كتبت إقرار لازم يعنى عليه حسن بك بالتنازل

عن الجثة والتصریح بدفنها فی مقابر الماردینی بدل  
البامینی حیث أن حسن البامینی ظهرت جثته حية  
والأشیا معدن

محمود — یعنی عایش ... قصدك كده  
شیخ الغفر — لازم الكلام یكون كده ... الكلام الرسمى  
له أصول ...

عمران — ولازمة الإقرار ایه مادام الراجل جه بنفسه  
شیخ الغفر — القانون كده ... مین عارف ... یمكن یجد فی الأمور  
أمر ... ماهی الحكاية لخبطت قوى  
علی — كل شیء جایز

شیخ الغفر — أنا اجرآ آتی لازم تكون سلیمة ... أنا راجل دوغری  
حسن — یعنی عاوز ده ( مشیراً علی مدعی حسن ) یکتب  
الإقرار

شیخ الغفر — وده مالوش اسم ... مش حسن بك البامینی علی  
سن ورمح

حسن — أنت متأكد

شیخ الغفر — ده أنا شیخ الغفر ... وأنا فیه حاجة تخش علیه

حسن — یعنی هو ده حسن البامینی

شیخ الغفر — أنا عارف أنت عاوز تقول ایه ... عاوز تقول  
دکها کان بدقن وده لم له دقن ... أنا بقى بنظره بارسم  
له الدقن ... أما لما المجرم یهرب ویخلق دقنه وشنبه

بامسكه لزاى ... بنظره ارسـم له الدقـن ... أو لما  
يكون حلقـي ويعمل شنب ودقـن ... بنظره باشيل  
له الشنب والدقـن

على — عبقريـة يا شيع الغفر ... بقى انت رسـمت دقـنه  
شيخ الغفر — فى مخى ده اللى ما تفوتش عليه حاجة المـليان زكـاوة ..  
وعارف عاوزين تقولوا ايه كان . . ان ده قصير  
شويه . . . ما يمش . . ده من الحادثة ... انا رسمته  
فى مخى ده لقيت الطول واحد ... ما يمش واحد  
يقصر نفسه يطول نفسه انا راسـمه

على — ما هم بيقولوا يقصروك باليل ويطولوك باليل  
شيخ الغفر — يقولوا ما يقولوش كله فى المنع ده ... الزكـاوة  
ما تفوتش عليها حاجة

حسن — طيب أمال الجئة ما هى ظهرت انها مش لحسن بك  
البامبيني زى انت ما قلت فى الأول

شيخ الغفر — أنا جيت الجئة وبس . . الكل قالوا انها لحسن بيلك  
البامبيني . طلبتم جئه . . . جبت جئه . وكتر الكلام  
ده لا زمته ايه يعنى أنا جاى علشان امضا وبس . .  
يا سعادة البيه ( موجهـا الكلام لمدعى حسن ) امضى هنا  
( يقدم له ورقة )

مدعى حسن — آه . . امضى هنا . طيب . . لا . . بعدين . . اـمبارح  
عـسران — أصله يـفقد ذاكرته

شيخ الغفر — لازم معايا يلاقيا .. اسمع أنا شيخ الغفر .. أصل أنا،  
واخذ عليه وواخذ على .. امضى

مدعى حسن — الجثة لقيتوها .. خلوها مطرحها .. عاوزينها تنزل  
ليه ... هيه الحجة اللى حتنقلوها فيها .. فيها تكيف هوا

شيخ الغفر — ظريفة دى .. امضى .. طول عمرك ظريف

مدعى حسن — لا .. آه .. بلاش بفلوس .. تكيف هوا

شيخ الغفر — ما هو لما تقعد ميت سنه لازم تمضى يا اما ابصمك

مدعى حسن — امضى قيس

شيخ الغفر — دى لازمة حسن بك كان تملى يقولها .. ظريف قوى ...  
لازمته تمام

حسن — يا شيخ

شيخ الغفر — مش يا شيخ بس ... لازم يا شيخ الغفر .. امضى ..

أنا شيخ الغفر على سن ورح ومدفع وصاروخ كان

مدعى حسن — وادى امضى .. وكان امضى وكان امضى

شيخ الغفر — ظريف يا حسن بك .. طول عمرك ظريف .. تمام،

حسن بك

حسن — مضى

شيخ الغفر — طبعها

حسن — وانت عارف امضى البامبى

- شيخ الغفر — دى أم عندى من الامضاء  
 حسن — طيب ورينا كده  
 شيخ الغفر — اهى  
 حسن — الله ده كاتب بصل . . بصل  
 شيخ الغفر -- ما هو حسن بك وهو صغير كنا بنقول له حسن بصل  
 فى التقلية  
 على — (حسن) استلم يا عم ... ادى حاجة ما كناش نعرفها  
 عنك  
 عسران — يا سلام ... الراجل اتذكر طفولته ... لازم حيرج  
 حبه حبه  
 حسن — بقى كده ... ما تتكلم يا أخوه ... ما تتكلم يا محمود  
 محمود — ودى عاوزه كلام  
 حسن — يا ناس حتجننوني ... بقى ده حسن  
 محمود — ده حسن ونص  
 مدعى حسن -- انا حسن بصل فى التقلية  
 شيخ الغفر — ده أنا افرزه وسط الف . وسط مليون  
 زكية — حبيبي يا جوزى ... همه ما لهم ومالك  
 حسن — يا ناس يا هوه ده مش حسن  
 شيخ الغفر — آمال يعنى لما ده لم يكون حسن ... يبقى فين حسن

- حسن — فين حسن أنا أقول لكم  
 على — ختعمل ايه  
 حسن — يا أخى ما فيش فايده ... اسمع أنت وهو عاوزين  
 تعرفم فين حسن  
 شيخ الغفر — حلوه دى ... ما كنت تنشطر كده قبل ماييجى ... ده  
 مش ناقص إلا يقول ان هوه حسن  
 حسن — أيوه ... أيوه ... انا حسن البامبىنى  
 مدعى حسن — ( يضحك فى شدة ) اما نكته ... انت حسن بصل وإلا  
 حسن أبو على حرامى المعزه  
 شيخ الغفر — ( باستهزاء ) انا مصدقك عاوز ايه  
 زكية — يا عينك يا جبارك . . الدنيا مش قانعة حد  
 حسن — ما تقول لهم يا على ... انى أنا حسن  
 على — وانت شويه ... اثبت يا عم انك حسن  
 حسن — اسمع أنا حاتبى الحكاية كلها ... انا حسن البامبىنى  
 شيخ الغفر — وانا تمثال رمسيس  
 عمران — وأنا هتلر الثانى  
 زكية — وانا كليوباتره  
 محمود — ( موجه كلامه لحسن ) هو ده وقت هزار ... يا سيدنا  
 ... الافدى . . ما تخيلنا فى حالتنا . . انت ما كفاكش  
 اللي عملته . . عاوز تنهب التركة

- زكية — وياخذ حق الولد اللي في بطنى
- حسن — ما انت طول عمرك واكلى ( لمحمد )
- مدعى حسن — فشر ... ده سيدنا وتاج راسنا
- محمود — ( الحسن ) انت عايز تستغل فرصة عيا الراجل ... أنا وانت والزمن طويل ... أنا برضه حاعرف شغلى ...
- يا الله يا حسن ( لمدعى حسن ) يا الله يازكية .. مافيش فائدة م الراجل النصاب ده ( مشيراً لحسن )
- زكية — يا الله يا سلفى
- محمود — يا الله يا حسن
- مدعى حسن — على فين
- محمود — انت تتجدعن شوية وتقف للعوازل . للراجل المدعى ده ( مشيراً على حسن ) وتاخذ بالك من اللي عاوزين يقتالوك... يا الله يامدام حسن
- حسن — دى مش مرانى
- محمود — طبعاً مش مرانك ... دى مرات حسن البامبىنى ...
- يا الله ... يا الله ... وانت « شيخ الغفر » مش خدت الإلهضا مستنى ليه
- شيخ الغفر — باتفرج على واحد أهبل « مشيراً على حسن »
- حسن — أنا أهبل ... أنا حسن البامبىنى ... أنا حاوريكم ...
- يا نصايين ... يا حرامية ... يامدعين ... يا بوليس ...
- يا نيبابة



شيخ الغفر — انت اللى بتنده البوليس .. أمال أنا ليه .. مش عاجبك  
 شيخ الغفر واقف وبتنده بوليس ونيابة - ليه ... يمنى  
 أقالع هدومى بقى وارمى روحى فى البحر زى بعضهم  
 حسن — أنت مجنون باين عليك

شيخ الغفر — أنا مجنون - بتعتدى ع الحكومة .. طيب ع المستشفى  
 قدامى .. على مستشفى المجاذيب .. أما أشوف مين فينا  
 اللى مجنون « بمسك حسن »

محمود — وانا أول شاهد معاك

حسن — أنا حاوريلكم ... يامدعين ... يانصا بين

« يحاول التخلص من شيخ الغفر »

شيخ الغفر — طيب .. طيب ... « يخرج من جيبه سفارة » ويضعها  
 فى فمه ويصفر تصفيراً طويلاً (حركة من الجحيم) إن  
 ما كنت أوريلك انى أنا شيخ الغفر على سن ورمح  
 ومدفع وصاروخ ( صفر طويل )

« ستار »



## الفصل الثالث

### في مستشفى المجاذيب

حجرة الدكتور على المسرح إلى اليمين بها مكتب وبضغ كراسى  
ومسجل . إلى يسار المسرح حجرة اختبار يضعون بها المرضى لاختبارهم .  
حجرة الاختبار بها سرير ومقاعد ...

حسن — ( في حجرة الاختبار إلى اليسار جالساً يكتب في كراسة )  
( تسمع بين كل لحظة وأخرى أصوات جلبة وضجيج آتية  
من الخارج )

الدكتور — ( جالساً إلى مكتبه في ملابسه البيضاء يكتب هو الآخر في  
أوراق أمامه )

دكتور — ( وهو يكتب ) المريض عادى جداً إلا أن هناك فكرة  
مسيطرة عليه أنه هو حسن البامبني مع أن اسمه حسن  
المقدوني .. تصرفاته فيما عدا ذلك سليمة

( يقوم الدكتور يتوجه إلى حجرة الاختبار بحث يجلس  
حسن )

دكتور — سلام عليكم

- حسن — عليكم السلام يادكتور  
 دكتور — ازاي صحتك دلوقت  
 حسن — أنا مش عيان يادكتور  
 دكتور — أنا عارف أنك مش عيان ... أنت بخير ... أنت  
 كويس والحمد لله  
 حسن — أنا أوكد لسيادتك أني أنا حسن البامبيني ... أنا  
 البامبيني ياناس  
 دكتور — أنا عارف .. عارف .. مصدقك .. اعتبرني صديقك  
 ماثورس أنا جاي أساعدك  
 حسن — يعني أنت فاكر لاني مجنون  
 دكتور — أبداً ... أبداً ... ما كنتش أدبتك الكراسة والقلم  
 علشان تكتب حكايته .. أنا متأكد أنك كتبت  
 حاجة كويسة  
 حسن — أنا كتبت الحقيقة  
 دكتور — كتبت أيه  
 حسن — كتبت الحوادث اللي جرت من يوم ما فكرت في  
 الفرق ... يعني ادعاء الفرق  
 دكتور — يعني مصمم أنك فكرت في ادعاء الفرق ...  
 وريني ... وريني  
 حسن — اتفضل ( يعطيه الكراسة )

دكتور — ( يتناول الكراسة من حسن ويقراً ) فكرت في الفرق  
( يضع تحتها خط بقلم و يده ) واتفقت مع صديقي  
على أنه يبلغ أني غرقت ( يضع تحتها خط وهو يقول )  
صديقي على

دكتور — ( الحسن ) إلا يا أستاذ حسن على ده صديقك  
من زمان

حسن — من زمان قوى

دكتور — يعنى متفاهمين قوى

حسن — ما عندكش فكرة يا دكتور ... كأننا واحد

دكتور — يعنى هوه بيقول أنك حسن الباهيى

حسن — طبعاً .. ماهو ده الحق يا دكتور

دكتور — كويس ... كويس

( يستمر فى القراءة )

وكان ذلك لأسباب كثيرة

أولا — ( يضع خط ) أيوه أولا وثانياً وثالثاً دى مهمة

( يضع خط بعد نطق أولا وثانياً وثالثاً )

أولا — وضع يد أخى على أملاكى واستبداده بي

ثانياً — تشكر خطيبتي لى وكنت ولا ازال أحبا

حياً جما

دكتور — تشكر دى حلوة قوى

- حسن — علشان تعرف
- دكتور — ( مسترأ في القراءة ) ثالثاً — قيام مشاكل بيني وبين بعض الناس نظراً لطيبتي الزائدة ( حسن ) أنت طيب قوى
- حسن — قوى ... قوى ... قوى
- دكتور — وعلى راخر طيب زيك
- حسن — أحنأ زى بعض
- دكتور — طيب ... طيب ... بس اللى كتبه ده هو اللى قلته لنا... من الاول ... ما فيش حاجة جديدة .. الرواية هيه بعينها
- حسن — مش رواية ... دى الحقيقة .. الحقيقة واحدة يادكتور أغيرها لإزاي
- دكتور — على كل حال احنا بعتنا جنبنا على صديقك وقبل مايجي بدى أسألك بعض أسئلة
- حسن — اتفضل أسأل على كيفك
- دكتور — تقدر تقول لى لإزاي فكرت في ادعاء الفرق .. بلاش أنت ... لإزاي أى واحد يفكر في ادعاء الفرق ...
- حسن — يعنى ما سمعتش أن ناس غرقم أنفسهم ...

دكتور — آه ... سمعت أن ناس غرقم أنفسهم... لكن اللي يغرق نفسه مش طبيعي ... لكن اهو بيغرق نفسه

حسن — اهو انا بقى طبيعي ... لأنى ما غرقتش نفسى ... ادعيت انى غرقت نفسى

دكتور — ادعيت انى غرقت نفسى ( دكتور لنفسه ) الغرق نوع من الانحراف ... الادعاء يبقى أشد ... انحراف أشد والاعتقاد بأنه أدعى أنه غرق نفسه انحراف أشد «خسارة»

حسن — فيه حاجة يا دكتور

دكتور — لا بس بدى أفهم أنت غرقت وإلا لا

حسن — انت فاكر انى مجنون بتوجه لى الأسئلة دى ... غرقت ازاي ... ما أنا قدامك ايه ... أنا موجود

دكتور — مفهوم ... مفهوم ... انت موجود يا شاطر كويس قوى ... عظيم ... طيب بس بدنا نفهم إذا كنت غرقت وإلا لا

حسن — أنا مش مجنون أقول أنا غرقان وأنا حى

دكتور — طبعى نزلت الميه علشان تغرق

حسن — برضه لا... لا غرقت ولا نزلت الميه

( الدكتور يستمر فى الكتابة بعد كل كلمة يقولها حسن )

دكتور — طيب اسمك ايه النهارده

- حسن — النهارده ! هو الواحد بغير اسمه
- دكتور — ساعات ... ما تزعلش اسمك ايه
- حسن — حاقلها للمرة الالف اسمى حسن البامبىنى ... حسن البامبىنى ياناس .. استهجاها ... ح س ن — ال ب ا م ب ي ن ي
- دكتور — (لنفسه) ازاي حنطلع من عنده أنه حسن البامبىنى « (حسن) ... طيب استهجنى المقدونى كده
- حسن — أ . لام . ميم . قاف . دال . واو . نون . ي
- دكتور — (لنفسه) خسارة ما فيش إلا البامبىنى دى
- « (حسن) طيب اسمع ( بعد أن ينظر للكراسة فى يده ) أنت بتقول هنا ، حابجا ، يعنى درجه جاما دى ايه يعنى درجه جاما .. دى ايه
- حسن — درجه يعنى ايه ... درجه جامعية
- دكتور — عارف فى الامتحانات بيقدروا الدرجات من كام
- حسن — بعشرة وعشرين وثلاثين لغاية ميه
- دكتور — (لنفسه) خسارة الراجل ده
- (حسن) طيب جميل ... جميل جدا ... تقدم
- حسن — تقدم ايه يا دكتور ... أنا عاقل
- دكتور — أنا عارف .. اجراءات بس ... شوية أسئلة



- حسن — انت فاكرنى مجنون وبا تقدم  
 دكتور — لا .... ما تاخدش فى بالك .. كلمه على لسانى ..  
 دى مجرد ابخاط ... هو انت قاعد مع المجانين ... دى  
 غرفة استراحة ملحقه بغرفتى  
 حسن — آه اللهم طولك ياروح  
 دكتور — يعنى لو فرضنا أن الدرجة النهائية مايه يبقى حيا جامده  
 يساوى كام  
 حسن — يساوى مليون فى المايه  
 دكتور — أيوه ( يكتب الدكتور وهو يتحدث نفسه ) يبقى فاكر أن المليون  
 أقل من المايه  
 دكتور — وهيه كانت بتحبك  
 حسن — طبعا  
 دكتور — كام فى المايه ( نفسه ) علشان تتأكد من حكاية المليون دى  
 حسن — مليون فى المايه  
 دكتور — ( نفسه ) برضه فاكر ان المايه أكبر من المليون  
 دكتور — ( يكتب وهو يتحدث لنفسه ) تمام ... تمام ... طيب  
 يا شاطر  
 حسن — شاطر  
 دكتور — كلمه على لسانى .. خدنى على قد عقلى .. آمال ايه  
 سبب زعل خطيبتك .. لا استنى

انت گاناب کلمه کو یسه ( بنظر لکرامه ) ای سبب تنکر  
خطیبتک لک

- حسن — دقنی  
دکتور — دقنک  
حسن — آه . . کنت مربی دقنی زمان  
دکتور — ( یکتب ) آیوه قول کده ، مربی ، زمان ( لفسه ) دی  
عایزه بحث کبیر ( لحن ) کنت بتربیا ازای  
حسن — یعنی عایز أقول لک مدخلها مدرسه علشان تقول انی  
مجنون ( بحده ) عایز أقول لک کنت بأوکلها جاتوه ..  
الواحد ییربی دقنه ازای  
دکتور — بلاش حکایه الدقن دی لآنک ثرت علی امبارح لما جبت  
سیرتها . . أعصابک بالنسبة لدقنک حساسة قوی  
( یدخل ممرض )  
ممرض — فیه واحد اسمه علی . . حضرتک عاوزه  
دکتور — آیوه . . خلیه ییجی  
( لحن ) أهو صديقك جه  
حسن — ابقى اسأله أنا مین ... شوف أنا مین  
( یمخرج الممرض ثم یحضر ومعه علی وینسحب الممرض )  
علی — سلام علیکم  
دکتور وحسن — علیکم السلام « یسام علیهما »

- حسن — أهلا على .. لإزيك ... اللي عايزه منك ... إنك تفهم الدكتور انى أنا حسن البامبيني
- على — طبعا ... انت حسن البامبيني ودى عايزه كلام ( يقولها كمن يوافق غير عاقل على كلامه )
- حسن — يعنى إيه الكلام اللي انت بتقوله ده ... ما تسكلم كويس
- دكتور — معلش يا على . أنا عاوزك بعد زيارتك لصديقك تفوت على فى الأودة بتاعى
- على — حاضر ( يخرج الدكتور لغيرته )
- حسن — يعنى إيه الحركات دى
- على — اسمع يا حسن احنا دلوقت لوحدنا ... ماهى المسألة اتعقدت خالص خالص ... ولو أكد انك حسن البامبيني ... حيعتبروني مجنون ويحوشوني معاك . . ولا خنطول سما ولا خنطول أرض
- حسن — هوه أنا مش حسن البامبيني ... انت حتجننى ... انت على تقول كلام بالشكل ده ( يقلد على فى أقواله طبعا انت حسن البامبيني )
- على — ياسى حسن ... أرجوك ... انت قدام المجتمع مش حسن ... والأصلح دلوقت
- حسن — أظن أنكر نفسى .. جرى لك إيه يا على انت اتجنفت

- على — إذا كان ده يريحك أيوه .. أسمع بس مراتك
- حسن — مراتي . انت بتقول مراق
- على — يعني مرات حسن البامبيني .. بس أتكلم ازاي .
- الست دى اللى بتدعى لإنها مراتك .. شهدت بأن  
الراجل النصاب هو حسن البامبيني  
وأخوك راخر اكده أنه هو حسن البامبيني  
وشيوخ الغفر قال أن الراجل هو حسن البامبيني  
وانت دخلت مستشفى المجاذيب لأنك قلت أنك  
حسن البامبيني  
فأنا لو صممت أنك انت حسن البامبيني حيقعدوني  
معاك وفيه حاجة تانية
- حسن — حاجة إيه
- على — أخوك داير وراك برضه وعاوز يودينا فى داهية  
فلازم أعمل كده
- حسن — بقى ده اسمه كلام يا على . انت مش مكسوف  
من نفسك . انت على كمونة صديق العمر
- على — مكسوف من نفسى ازاي . أدخل نفسى المستشفى  
وكان كمونة دى بلاش يفتكرونا مجانين
- حسن — حتسكر نفسك . مش اسمك
- على — لا بس احنا دلوقت فى موقف دقيق

ما هي المسألة م الأول ما كانتش تمام  
أخوك واضع يده على أملاكك  
اشتكيه

خطيبك زعلانه من دقك .. وبتحبها .. احلقه  
دقك .. ما بتحبهاش افسخ الخطوبة  
لا . لازم تموت نفسك

لازم تدعى انك موت نفسك .. علشان تضحك على  
الناس .. أهم ضحكك عليك

حسن — يا سيدى حرمت .. حرمت أموت تانى

على — بعد إيه .. ما خلاص رحناف داهية

حسن -- حمعيد الكلام ونقول انت شريك فى كل اللى حصل

على — ما هو فيه مجتمع وله مقاييس . . . اللى يعيش

بين العرايا لازم يمشى عريان والا يبقى شاذ .. ثم  
المجتمع ما كابلوش ذنب

حسن — يعنى انت عاجبك دلوقت تصرفك

على — أعمل إيه بس .. ما أنا خايف

حسن — يعنى أعيش طول عمرى فى مستشفى المجاذيب

على — ما دمت متمسك بأنك حسن البامبىنى .. حتعيش

طول عمرك هنا فى مستشفى المجاذيب

حسن — يعنى أنكر نفسى

- على — ما انت أنكرتها يوم ما ادعيت الفرق . . خليك  
ماشى كده على طول لغاية ما يفرجها ربنا ونقدر  
نوقع الراجل النصاب ده
- حسن — أنا ما يمكفش أنكر نفسى . . لازم أثبت  
على — خليك بقى . . يظهر إنك استحلطت القعدة . . .  
بس ما لكش دعوه بيه . . سيدنى فى حالى
- حسن — أنا مصمم ومصر . . مش حاتزحزح  
على — هيه رخره دى دقن . . مش حتحلطها . . . ما بلاش  
إصرار بقى . . خليك مرن شويه . . جارى الناس  
هيه الناس مالها
- حسن — يعنى أقول أنا مش حسن البامبىنى . . أنكر نفسى  
لا يمكن . . كفايه بقى لحد كده . . كفايه . . كفايه  
على — كفايه إيه . . ما هو انت اللى جبتك لنفسك بنفسك
- حسن — تعرف إن ما كنتش حتقول إنى أنا حسن البامبىنى  
حامسك فى خناقك ومش حاخرجك من هنا إلا  
على نقالة
- على — حيقولوا عليك مجنون خطر ويعملوا لك إجراءات  
تانية . . . انت لما تخرج نحاول سوى نوقع  
النصاب ده
- حسن — إذا كنت انت بتسكرنى . . وأخويا ينسكرنى . .  
وخطيبتى بتسكرنى . . خلينى هنا أحسن

- على — أهو ده عيبك ... تتمسك باللى فى دماغك
- حسن — يعنى خطيتى عبيطة ... مش عارفة إن الراجل المدعى ده راجل نصاب ... دى حاجة تطير العقل
- على — هيه ما شهدتش زى محمود وزكية وشيخ الغفر ... استغفروا عن شهادتها ... ما أعرفش كانت حتقول إيه
- حسن — ويستغفروا عن شهادتها ليه
- على — علشان ياسيدى مراتك واخوك وشيخ الغفر اجمعوا على أنه حسن
- حسن — تعرف أنا با فكر فى إيه دلوقت . إنى اقعد هنا على طول ... ما هو كان آخر أمل ليه فيك انت ... خلاص حاقعد هنا على طول . اهى كلها عيشة ... الواحد عايز من الدنيا ايه ... اكل وشرب ونوم ... وخدمة ... وناس طيبين ... المجانين احسن منكم ... هنا احسن
- ( يدخل المرض )
- المرضى — يا استاذ على ... تسمح تسكلم الدكتور
- على — عن اذنك
- ( يخرج على )
- ( يدخل حجرة الدكتور )
- الدكتور — انت صديقه الحميم طبعا
- على — ايوه يا دكتور ( يتلاحظ أن على يتسكلم بتخفظ وأنه خائفة من أن يعتبروه مجنونا )

- دكتور — كان عايش معاك
- على — كئا تملی مع بعض زى الاخوات تمام
- دكتور — أنا بدى اعرف الظروف اللى مرت عليكم انتم الاثنين واللى أوصلته للحالة اللى وصل إليها
- على — والله ما فيش ظروف مرت علينا احنا الاثنين ...
- دكتور — طيب هو اسمه حسن المقدونى والا حسن للبامبىنى
- على — هو اسمه حسن المقدونى
- دكتور — ما انتش شايف معايا ان ده اسم غريب شوية
- على — الاسماء ما تعلقش
- دكتور — طيب انت اسمك ايه
- على — انا اسمى على
- دكتور — على ايه
- على — على ( مترددا ) حسانين
- دكتور — كويس ... انتم بتقرو تاريخ كثير
- على — علشان ايه
- دكتور — علشان المقدونى دى ... بدى أفهم إذا كان فيه حاجة ...
- اسم غريب شوية
- على — غريب ايه ... امال البامبىنى



- دكتور — البامبيني عيلة معروفة ... عيلة محترمة لكن بدى  
اعرف معلوماتك عن الشخص التاني
- على — مين
- دكتور — اخو محمود
- على — اللي بيدعى انه حسن البامبيني
- دكتور — اللي بيدعى ... هيه ( يكر ) — اللي بيدعى لانه  
حسن البامبيني - يعنى اللي جوه هوه حسن البامبيني
- على — لا ... لا مش قصدى يعنى اللي يقول هو ده ...  
الى جوه .. انه بيدعى
- دكتور — لا .. لا.. خليك على طبيعتك .. على طبيعتك خالص  
ان كنت معتقد انه مش حسن البامبيني ... قول
- على — اهو نقصد
- دكتور — اللي عايش مع مرانه
- على — يعنى مرانه تقول عليه حسن البامبيني وأنا اقول لا
- دكتور — برافو عليك
- على — فيه حاجة يادكتور
- دكتور — لا ... يظلم الظروف اللي مرت على المريض  
مامرتش عليك أو مرت عليك .. لكن أعصابك متينة
- على — يعنى اخرج دلوقت بقى

- دكتور — لا ... أنا عايزك
- على — فيه حاجة
- دكتور — لا ... ما تخافش .. لأن أعصابك متينة عاوزك  
تختلى بيه شوية وتحاول تقنعه انه مش حسن البامبني  
هو عنده حاجات تانيه لكن دى الالم .. المهم  
اعتقاده انه حسن البامبني حتخش عنده وتحاول ..
- على — طيب يا دكتور
- دكتور — خش عند المريض
- على — حاضر
- دكتور — بس عاوزك تساعدنى باخلاص
- على — حاضر ( يدخل عند حسن ) هو والدكتور
- دكتور — ياسيدى خلافا للتعليمات حنسمح لصديقك أنه يقعد  
معاك قد ساعه .. على حسانين
- حسن — على حسانين
- على — أيوه ... على حسانين
- حسن — ( ينفجر ضاحكا ) على حسانين مين ... ده على كونه
- دكتور — اسمك كونه
- على — لا ... حسانين
- دكتور — ( لنفسه ) ده بينه حاله بتزيد  
( يخرج الدكتور )

- حسن — أنت مش على كونه
- على — ياسيدى أحط نفسى موضع الشبهه ليه ... انت عارف  
أن الدكتور شاكك فى انى مجنون
- حسن — تستاهل ... علشان ما بتقولش الحق
- على — لازم الواحد يبعد عن مواطن الشبهه ده قعد اختبرنى  
ووجه اليه أسئلته وبعدين دخلنى عليك
- حسن — وقعدك ليه
- على — علشان افنحك أنك مش حسن البامبىنى ... يقول  
اعتقادهك أنك حسن البامبىنى هو العله فأنا رأيى
- حسن — أيوه ياسيدى
- على — أنك تعدل عن أنك حسن البامبىنى
- حسن — وبعدين
- على — إنك كان تحاول تقول أن المقدونى مش اسمك وتقول  
اسم تانى ... لأنه بيقول المقدونى اسم غريب
- حسن — وبعدين
- على — يمكن يخرجوك
- حسن — بقى لو السما انطبقت على الأرض لا يمكن انى أتنازل  
عن اسمى ... حاقعد هنا .. أنا ليه مين فى الدنيا ...  
أخويا زى ما انت عارف وأصحابى

- على — وبعدين فيك
- حسن — وخطيتى ... خطيتى ... حتى مات زور نيش  
( يدخل المرض )
- المرض — يا أفندم فيه واحد اسمها فاطمه عاوزه تزور المريض
- حسن — فاطمه ... فاطمه ... تيجى  
( يفرج المرض )
- على — اسمع بقى حتعمل أيه
- حسن — حاعمل كل حاجة... إذا كانت فاطمة لسه بتحببى حاعمل  
المستحيل ( تدخل فاطمه ) سلام عليكم
- حسن — أهلا فاطمه
- فاطمة — أهلا حسن ... ازيك
- حسن — ازيك يا فاطمة ... فيكى الخير يا فاطمة
- فاطمة — ما استاهلش ده كله يا حسن لكن
- حسن — لكن أيه
- فاطمة — القسمه كده ما عرفش عملت فى روحك كده ليه
- حسن — علشانك يا فاطمة
- فاطمة — علشانى أنا
- حسن — كنت باجبك قوى يا فاطمة
- فاطمة — كنت

حسن — وباحبك وحاجبك يا فاطمة ... شدة حبي اللى خلتنى  
عملت كده

فاطمة — هو اللى بيحب يعمل كده

حسن — يعمل أكثر من كده ... اتسكت بدقنى علشان اختبر  
بتحبنى لشخصى وإلا لا لكن ازاي ما عرفتيش !

فاطمة — عرفتك ... لكن زعلت من عملتك ... وحيث أجاربك  
علشان برضه اختبرك ولما الحكاياه اتعقدت حيث  
أفف جنبك

حسن — بتحبنى يا فاطمة

فاطمة — وأنا حبي كان عاوز دليل

حسن — وأيه العمل دلوقت

فاطمة — ( لعل ) حقيق أيه العمل دلوقت

على — عمل أيه طول ما يقول أنه حسن البامبيني مش حينخرج  
أبدا ... معتقدين أن ده دليل الجنان ... لازم يرجع

عن الكلام ده ويرجع عن المقدوني كان

حسن — اسمعى يا فاطمة ... انتى بتحبنى

فاطمة — انت عارف

حسن — طيب يا فاطمة ... أنا مستعد أعمل كل حاجة علشانك ...

لو ضاعت أملاكى واسمى مايمش مادام انتى معايه

- فاطمه — انت مش خطبتی وأنا قبلت وأخوك كان مستولى على كل حاجة
- حسن — صحیح یا فاطمه ... صحیح ... خلاص ... أنا مش حسن البامینی ولا المقدونی ولا حسن خالص ... أنا محمود عاصم من دلوقتی باعلی
- علی — خلاص اتفقنا
- حسن — خلاص أنا محمود
- علی — عاصم
- حسن — کویس کده
- علی — کویس واهو بیکره بعد ما تخرج نعمل خطه ونوقع النصاب ده
- حسن — مادام فاطمه معايا نعمل كل حاجة ... عاوز أعمل كل حاجة وانسی نفسی واعیش معاکی
- فاطمه — حبیبی حسن
- حسن — حبیبی فاطمه
- علی — لا لا ... بقی حبیبی
- فاطمه — حبیبی عصومه
- حسن — حلوه من بقلک یا فطومه
- علی — اسمعی یا فاطمه أنا على حسانین مش على کونه
- فاطمه — لیه کده ... تغیر اسمک انت راخر
- علی — یاستی — أرجوکی — علی حسانین

- الدكتور — ( يدبر زرا ) أما نسمع يقولوا أيه  
فاطمة — عصمصم  
حسن — فطمطم ( الصوت يظهر في حجرة الدكتور )  
الدكتور — غريبة ... بتناديه باسم غير حسن  
حسن — وانت يا حسنين ... يا حسونة  
على — أيوه ياسيد عاصم  
( يدخل الدكتور )  
الدكتور — ما مشاء الله ... الحالة كويسة يا حسن بك  
حسن -- حسن بك إيه ... مين حسن بك ... فين حسن بك  
الدكتور — آمال أنت مين  
حسن -- أنا محمود عاصم  
الدكتور — برافو ... برافو ... اسمك إيه  
حسن — محمود عاصم  
الدكتور — والبا ميني  
حسن — ما عرفش إيه اللي كان حصل لي كده  
الدكتور — والمقدوني  
حسن — دى أو هام با دكتور ... كانت أو هام  
الدكتور — وكونة  
حسن — آه الكمون اللي بيحطوه على الأكل  
الدكتور — ماشاء الله ماشاء الله  
على — دلوقتي بقي أستاذن

الدكتور — لا ... تستأذن ... تخرج لوحدك ... حتخرج  
لكم دلوقت

فاطمة — صحیح یا دكتور

الدكتور — خلاص ... هو سليم وكل حاجة ... بس كانت  
نقطة البامبيني دى

حسن -- صحیح كنت باقول أن اسمى البامبيني ... حاجة  
غريبة قوى

الدكتور — لا ساعات الواحد كده بتحصل له حاجات

حسن — كنت عاوز تسجلوا لى كلامى ... لأنه كان غريب

الدكتور — ما أنت سجلته بالكتابة

حسن — عال ده تذكر ما بتفسيش

فاطمة — يعنى حينخرج دلوقتى يادكتور

الدكتور — حالا .. حاكتب له الإذن بالخروج ... ألف مبروك

حسن — الله يبارك فيك

على — البركة فيك يادكتور

فاطمة — متشكرين يادكتور

( يخرج الدكتور إلى حجرته ويدق جرس )

( يدخل ممرض )

الممرض — أفندم

الدكتور — جهز لخروج اللى كان اسمه حسن البامبيني ده



- المرض — خلاص يا افندم  
 الدكتور — خلاص واكتب اسمه الحقيقى  
 المرض — واسمه ايه يا افندم  
 الدكتور — محمود عاصم  
 الممرص — أهو ده اسم معقول
- ( يخرج المرض والدكتور يكتب فى ورقة )  
 حسن — الحمد لله . حنفتد من أيديهم  
 على — وخلاص حرمانا بقى ... الطريق المستقيم أقرب الطرق  
 لاموت ولا يحزنون
- حسن — حرمت أموت خالص  
 على — مافيش كلام  
 فاطمة — واهو درس بقى  
 حسن — وادى درس ... قال جيت أدى التامس درس ...  
 أخذته أنا
- على — كل حاجة تتصلح  
 حسن — وفقدت اسمى وثروتى لكن كسبت فاطمة  
 فاطمة — مانكسفنيش  
 حسن — كسبت أكبر ثروة
- ( يدخل المرض لى حجرة الدكتور بسرعة )  
 الدكتور — خلاص يا سالم ... عملت ترتيب خروج محمود عاصم

المرض - خلاص ايه ... خذ أقرأ ( يتاوله ورقة )

الدكتور - ( يتناول الورقة ) يقرأ

عجيب ... عجيب ... مش معقول ... مش معقول

( يفرك في عينيه ويقرأ في ببطء )

الدكتور - إشارة مستعجلة ... لقد قبض البوليس على من يدعى

بأنه حسن البامبيني وهو مجرم خطير سبق أن هرب هو

وزميله المدعى أن اسمه عسران من السجن وانتحل

أحدهما اسم حسن البامبيني وقد بلغ من اتقان تمثيله

أن زوجة حسن البامبيني خدعت فيه وكذلك أخوه

وترسل الإشارة بطريق الاستعجال لمستشفى الأمراض

العقلية لوضع مدعى اسم حسن البامبيني الموجود في المستشفى

تحت الاختبار الدقيق وعما إذا كان حقيقة مصاب بالجنون

أم هو محتال آخر طمعا في ثروة حسن البامبيني وسيحضر

أخو حسن البامبيني وزوجته لعرض المذكور عليهما

وعمل التقرير الطبي اللازم وعما إذا كان من الممكن

استجواب المذكور أن كان متمتعا بقواه العقلية .

الدكتور - ( بعد اتمام القراءة ) حاجة غريبه ... اسمع يا سالم ...

بلاش خروج دلوقتي طبعا أما أشوف وعند ما ييجي

محمود البامبيني وزوجة حسن دخلهم عندي في الحال

( أثناء هذا المنظر حسن وعلى وفاطمة يبدون سرورا

خروج حسن )

( يدخل الدكتور عليهم )

حسن — خلاص يا دكتور

الدكتور — الاجراءات بتاخذ وقت أطول يا حسن بك

حسن — مين حسن بك

مدكتور — حضرتك مش انت حسن بك البامبيني

حسن — ابدأ

على — ده محمود عاصم

الدكتور — مين محمود عاصم

حسن — الله ما تعرفش محمود عاصم

فاطمة — فيه حد ما يعرفش محمود عاصم

الدكتور — يعنى محمود عاصم ده راجل غنى

على — الا... غنى... طبعا

الدكتور — يعنى هو اغنى والا حسن البامبيني

حسن — حسن البامبيني مين... ده محمود عاصم حاجة تانية

خالص

الدكتور — هيه... كويس... كويس خالص

( يدخل الممرض )

الممرض — ( لدكتور ) جم يا افندم بره فى صالة المستشفى

الدكتور — طيب... طيب

( يخرج الدكتور والمرضى إلى حجرة الدكتور )

الدكتور — اسمع

المرضى — أفندم

الدكتور — عاوزين دلوقت تدور المسجل ونخله يلقط كلام الناس

من جوه

المرضى — حاضر يا أفندم

الدكتور — وبعدين تخش شوبه معاهم تسكلمهم علشان نختبرهم

المرضى — حاضر يا أفندم... همه يعنى تعبانين

الدكتور — ايوه تعبانين شوبه

المرضى — دول تعبانين... مجانين ومجرمين يا أفندم

( يذهب المرضى ناحية المسجل يديره )

الدكتور — هات بقى محمود وزكية... خليمم يقعدم هنا لغاية

ما أروح احضر دقيقتين فى الاجتماع وآجى

المرضى — حاضر يا أفندم

( يخرج الدكتور وسالم )

حسن — يظهر اجراءات الخروج هنا بتاخذ وقت

فاطمة — يا سيدى كله يهون... ما دام حتخرج

على — لا... وانا اللي كنت حاشر بها من غير مناسبة

( يدخل المرضى ومحمود وزكية لحجرة الدكتور )

- المرض - اتفضلتم... استريحم... لغاية الدكتور ما ييجى...  
عنده اجتماع صغير وعى اذنكم أنا شويه  
(يدخل المرض على حسن)
- حسن - خلاص اجراءات الخروج
- المرض - تقريبا... أصل اجراءات الخروج صعبة مش يقولو  
هوه دخول الحمام زى خروجه
- على - ظريف قوى
- المرض - انت الاظرف... ألا يا (موجهاً الكلام لحسن) محترم  
المقدونى أو مقدونى... أو بقدونى دى أصلها إيه
- حسن - ومين مقدونى... ما فيش مقدونى هنا
- المرض - آه باحسب
- المرض - طب والبامبىنى... مين البامبىنى
- على - محدش هنا بامبىنى... مين قال كده
- المرض - يا سلام... أهو كلام ييجى فى مخ الواحد... أصل  
الواحد من كتر قعدته هنا عقله بقى ترلى... ومن
- عاشر القوم أربعين يوم
- حسن - تمام... كلامك كله حكم
- زكية - (فى حجرة الدكتور) أما انت فارس صحيح... خدت  
الواد المجرم بالسياسة لحد ما وقع
- محمود - يا ستى دى صنعة عجز
- زكية - لكن ناوى تعمل إيه

- محمود . — ما عندكش فكرة ... حاوديهم كلهم فى داهية .
- زكية — بس أنا عايزة أرسى لى على بر
- محمود — حالا ... سكره يعنى الجو... وتجاوز... أنا فى الأول  
كنت ناوى لك على نية ... قلت طلعت لنا منين دى  
اسكن بقى الحب ... أعمل إيه وقعت فيسكى .
- زكية — يقطعه الحب ده ... ما هو حبك خلاى زى العجينة  
فى إيدك
- محمود — بس انت بقى تتجدعنى معايا لغاية ما نودى اللى جوه  
فى داهية واهى كلها كام يوم والامور حتى عال ...  
بس اللى غاظنى انى فى الاول ما اعرفش إيه حصل لى  
والمغفل اللى خوه استغفلانى وخد منى خمسمية جنيه ...  
لكن باقية له
- زكية — يا خويا أهو دخل مستشفى المجاذيب .. انت كنت قاصد  
تثبت موته
- محمود — ودى تكفى ... طول ما هو عايش مش حاسس تريخ ...  
وبرضه وجوده خطر ... لازم نتهمه بحاجات ونقول  
لأنه خطر... الله ... هو مش كان عاوز يعتدى عليكى  
وعليه ... مش هو اللى غرق حسن
- زكية — تمام كان عاوز يتجاوزنى قال ... ده كان عاوز  
يعتدى عليه
- لذكتور — ( يدخل ) لا مؤاخذه كان عندى اجتماع حضرت شويه  
وجيت لكم ... احنا حشوف الجماعة اللى جوه دول

حالم ملخبط شويه ... أنا حاخش الأول وبعدين  
تخش أنت ( بشير لمحمد ) وبعدين حانده لك ( لزكية )

محمود — علشان إيه

الدكتور — اتم تعملوا أنسكم بتزوروا اللي بيدعى انه حسن ده  
مجرد زيارة عادية وحشوف رد الفعل عندهم

محمود — بس أنا شبتت مرأاح وبجى ... وشبتت م النصاين  
والمجرمين دول

الدكتور — دى تعليمات الوليس ... لازم نعرضهم عليكم ...  
ونشوف رأيكم إيه

زكية — أمرنا الله

( يدخل الدكتور )

حسن — خلاص يا دكتور ... حاخرج

الدكتور — أنا جايب لكم حنة مفاجأة

على — هو فيه أحسن من الخروج

الدكتور — قبل الخروج حيزوروكم ناس أصدقاء

على — حيزورونا ... هو إحنا قاعدين هنا

حسن — هى إجراءات الخروج حتطول

الدكتور — لا ... أبداً ... حالا ... أهو بعد الزيارة ... اتفضل

يا محمود بك يا بامبنى

حسن — محمود ... إيش جابه

محمود — ( يدخل )

- حسر — ده جای عایز لیه ده
- الدكتور — زیارة
- على — ( یشیر لحسن بالهدوء )
- الدكتور — مش ده أخرك حسن البامبيني ( لمحمود )
- حسن — حسن مين ... ما فيش هنا حسن
- محمود — ( يتسم في خبث ويشير بيده لإشارة غامضة )
- الدكتور — ليه رأيك يا على
- على — ده مش حسن ... ده محمود
- محمود — أظن محمود البامبيني
- حسن — لا ... لا ... ما فيش بامبيني خالص أنا محمود عاصم
- الدكتور — و انت يا شاطرة ( مشيرا لفاطمة )
- فاطمة — ده محمود عاصم
- الدكتور — أصل قبضم على اللي كان يقول إنه حسن البامبيني ...
- ظهر أنه مجرم وهربان من السجن
- حسن — الحمد لله ... يا سلام
- على — أهو الحق ظهر
- فاطمة — مش قلت لكم
- حسن — عرفت يا دكتور إني أنا حسن البامبيني
- محمود — ( يسرع فاحية الدكتور ) مجرم راخر ومجنون وخطر
- حسن — بتقول أيه يا محمود



- عُمود — مش كان اسمك دلوقت محمود
- الدكتور — (لحسن) خليك على طبيعتك... أنت يعنى... أنت أيه...  
قول
- حسن — أنا ايه... أنا حسن البامبىنى... مظهر الحق
- الدكتور — بتحب خطيبتك قد أيه
- حسن — مليون فى المية
- محمود — (للدكتور) مجرم خطير ومجنون
- الدكتور — (لمحمود) ... لسه عنده حاجات ... لكن بشرفك -  
بشرف البامبىنى... ده مين
- محمود — (للدكتور) ما اعرفوش خالص... زى دوکها —  
( بصوت عال ) كان بيقول مقدونى — وبعدين عاصم -  
وبعدين بامبىنى — دول مجرمين...
- حسن — أنا أفسرك ياسى محمود... ولما أخرج حاوريك (بجدة)
- الدكتور — لا - لا - مشى عايزين تفسير... ولا تكسير
- على — ( يشير لحسن بالهدوء )
- حسن — ماهى حاجه تجنن
- محمود — (يذهب للدكتور) سامع يا دكتور ... ما تسأل زكية
- الدكتور — طيب ننده زكية

- حسن — زكية مين ؟
- فاطمة — النصابه اللى بتدعى إنها زوجتك يا حسن
- حسن — النصابه — الكذابه — شريكه اللى مسكوه
- محمود — (الدكتور) شايف يادكتور — اللخبطة — خايفين من مراته تقول الحق
- لدكتور — ياست زكية — تعالى — اتفضلى (لحمود) حقيقى ييلخبط — مضطربين
- محمود — (الدكتور) مضطربين — دول مجرمين — ومجانين
- الدكتور — خليك على طبيعتكم ... خليك على طبيعتكم
- الدكتور — (لحمود) ييلخبطكم قوى ساعات عاصم ... مقدونى ... بامبىنى
- محمود — (الدكتور) مجانين ومجرمين ... فيه حكايات أدهى — شيخ الغفر بيقول همه اللى غرقم حسن البامبىنى (تدخل زكية)
- الدكتور — (زكية) أيه رأيك
- زكية — أنا عارفه ... دوله ناس عندهم لحسه وعاوزين ياخدو مال الناس
- الدكتور — (زكية) حاولي تسكلمهم
- زكية — ممكن يعتدوا على ... أنا ما اخافش لإلام المجانين تصور المجنون ده كان عاوز يعتدى على عفافى

- حسن — أنا - دی هیه الی کانت عاوزه تتجوزنی
- محمود — سامع یادکتور - خطرین - خطرین ... قال هیه اتلی  
عاوزه تتجوزه
- الدکتور — ماتعرفش دی ... دی مرات حسن البامینی ... الی  
کنت عایز تتجوزها
- حسن — مراقی أنا - أنا أتجوزها - دی هیه الی کانت عایزه  
تتجوزنی
- الدکتور — یاراجل قول کلام غیر ده-قول کلام معقول- تتجوزک  
وهی متجوزة
- محمود — یاسعادة البیه مافیش فایده
- فاطمة — آه یاناری - آه یاناری
- محمود — سامع یادکتور
- الدکتور — آه یانارک علشان آیه
- فاطمة — ده خطیبی أنا - خطیبی أنا
- محمود — أهی کلت یادکتور - شغل اجرام وجنان
- الدکتور — دلوقتی زیارتک یاحمود بک وانت یاست زکیه انتهت  
- کتر خیرکم - عرفنا حاجات کثیر خصوصا حکایة  
شیخ الغفر - عایزه الثیابة
- ( یدخرج محمود وزکیة )

- على — واحنا خنخرج امى  
الدكتور .. لسه شويه  
حسن — شويه ايه يادكتور  
الدكتور — شوية إجراءات حارجع لكم  
( يخرج الدكتور )  
حسن — ( المرض ) ما نقول لنا الاجراءات دى بتطول  
المرض — أهو أنتم وبختكم بعد نقطتين  
على — يعنى ايه نقطتين  
المرض — دقيقتين ... ساعتين  
فاطمة — بتقول ايه  
المرض — شهرين ... سنتين  
حسن — مانتكم عدل ... احنا بنهزر  
المرض — أصل هنا جد قوى ( يجرى خارجاً لـحجرة الدكتور )  
الدكتور — ( لاسلم ) ايه يا سالم  
المرض — يا افتدم دول حبيقوا مجازين خطرين جداً ... لازم  
تنقلهم من حجرة الإختبار دى للعنابر الخطره  
الوكتور — ايه رأيك يا محمود بك  
محمود — حالتهم صعبه ... بيخرفم خالص — اديك سمعت  
بنفسك

زكية — كان عايز يعمدى على عفانى — بعد ما موتم جوزى  
الدكتور — أنا شايف أنهم بيبلخبطم فى الكلام ... حتى اللى  
اسمها فاطمة

محمود — خالص ... خالص  
المرض — بيبلخبطم وبس ... دول حقهم يتخطوا فى سلاسل  
الدكتور — ( لمحمود وزكية ) على كل حال متشكرين يا جماعة ...  
مع السلامة

( يخرج محمود وزكية بعد أن سلمان )

المرض — أنقلهم لعنبر الخطرين  
الدكتور — همه عملم فيك ايه  
المرض — كانوا حايعتدوا عليه  
الدكتور — دول كان مظهرهم عقلاء فى كل حاجه إلا فى بامبىنى  
ومقدونى وعاصم ده تصرفاتهم كانت صح إلا فى دى  
بيتصرفهم غلط — لكن حكاية اعتداؤه على زكية دى  
وشهاده شيخ الغفر تصرفهم غلط خالص . دول زادوا

المرض — تمام وهو الجنان مش تصرف غلط  
الدكتور — مش كل تصرف غلط يبقى جنان يا سالم وإلا كانوا  
العقلاء قليلين

المرض — طيب مام العقلاء قليلين

الدكتور — انت واثق إنك ما بتغلطش ... من شهر مثلاما غلطش  
غلطه كبيرة

المريض — أنا فى عرض الدكتور ... دول عقلا خالص  
الدكتور -- انت خايف منى ياسالم نهايته ... أما نشوف الريبكورد  
( بنظر للريبكورد ) أنا مش قلت لك خليه ينقل كلام  
اللى جوه ... برضه خليفته ينقل كلامنا هنا

المريض — أنا فى عرضك دى مش غلطه كبيرة  
الدكتور — أكبر غلطه ... نهايته ... أدوره أنا على جوه

( يذهب الدكتور ويدير المسجل )

الدكتور — روح ياسالم أنت شوف شغلك بره ... أما نشوف حل  
فى الحكاية دى ... ( يجلس الدكتور ويقلب فى أوراق أمامه  
ويكتب فى بعضها ويفكر )

حسن — أتأخرم ... يظهر المسألة ... اتعقدت تانى

على — أنت تسرعت وقلت إنك البامبىنى

حسن — مش قالوا أنهم وجدوا المجرم ياسى على ياكونه ..  
أحسن حاجة نرجع لأصلنا

على — علشان يقولوا علينا مجانين

حسن — يقولوا ... يقولوا ... مش ممكن حانكر نفسى ..  
أنا حسن البامبىنى ... وأنت على كونه ودى خطيتى ...  
ودة اللى حيقنقنا

على — وأنت عليك ايه ... معاك خطيبتك وكنت مستبج  
من الاول ... لكن ... أنا ... أنا ... حيتبرون  
مجنون والا مجرم مجنون ... وأقعد هنا طول العمر ...  
أنا مش معاك أبدا ... مش ممكن اقول إنك حسن  
البامبيني -- يا أخى كانوا حينخرجونا — كنت  
استنى شوية

حسن — أنت حر  
فاطمة — وأنا مع حسن ... ده حسن وأنا فاطمة خطيبتة ...  
ومش ممكن أخرج من هنا إلا ورجلى على رجله ...  
وإن كانوا يعتبرونا مجانين ... نقعد مع بعض هنا  
ما اسيكش أبدا ... أبدا ... ما اسيكش أبدا

على — وأنا ذنبى ايه ... وكانوا سمونى كونه ليه  
فاطمة — أنا مقتنعة بحاجة مادام الواحد سليم ونيتته سليمة ربنا  
مش حيسييه أبدا

على — ما هو ياستى حسن عقدها وعمل أنه غرق  
فاطمة — اهو أخذ الثمن فى البهله دى ... لازم نرجع للحق ...  
ونقول الحق ... وربنا حيساعدنا

الدكتور — ياسالم ( يضرب الجرس )  
الممرض — أفندم

للدكتور — يظهر الشريط خلص ما أنت دورته على هنا .. شوف

شريط تانى وغير الشريط

الممرض — حاضر ( وهو خائف ) بس حكاية الشرايط دى ولحظة  
جوه وبره

الدكتور — ما تخافش ... ما تخافش ... دى غلطه صغيرة وإلا  
أقول لك نسمع التسجيل

الممرض — ( يدبر الشريط )

يدور الشريط فيسمع صوت زكية من أول أما انت

فارس صحيح ... خدت الواد المجرم بالسياسة  
لحد ما وقع

الدكتور — ايه — ايه ده

الممرض — أغير الشريط

الدكتور — ( لا لا خليه خليه )

( ثم يسمع صوت الشريط ) بس انت تتجدعنى معايا لغاية

مانودى اللى جوه فى داهيه ... واهى كلها كام يوم

الدكتور — عال .. عال

والاحوال حقيق عال ... بس اللى غاظنى إنى فى

الأول ما اعرفش إيه حصل لى والمغفل اللى جوه

استغفلنى وخذ خمسمية جنيه

صوت زكية — يا اخويا أهو دخل مستشنى المجاذيب

الدكتور — هيه .. هيه ... المسالة فيها كلام



صوت محمود — ودى تسكنى ... طول ماهو عايش مش حفستريح ...  
برضه وجوده خطر

الدكتور — والله عال ياسى سالم  
المرضى — أنا فى عرضك .. معلش غلطة بسيطة  
الدكتور — لا ... ده أنت تستاهل مكافأة ... غلطة لكن بينت  
الحقيقة وحتمنع جرايم نسمع بقت الشريط

( ويستمع الدكتور لكن لا يسمع الصوت للمتفرجين )  
على — يا جماعة أرجوكم ( أثناء سماع الدكتور للشريط الغير مسموع )  
للمتفرجين ) ما بوظلوش الدنيا

حسن — أبدأ ... مش ممكن  
فاطمة — أبوه مش ممكن  
على — خليك محمود عاصم وأنا على حسانين ... خيلنا  
نخرج بسلام

حسن — يعنى أنت شايف كده  
على — أنا فى عرضك أحسن الحكاية تتمعد تانى  
حسن — زى بعضه ياسيدى .. حفسمع كلامك  
الدكتور — يرافو عليك ياسالم كان لازم تغلط علشان نعرف  
الحقيقة .. دلوقتى أنا حاكب للبوليس بعد ما اخرج  
الناس دول ( يوقف المسجل )

- الدكتور — ( يذهب الدكتور لغرفة الاختبار )  
 مبروك يا جماعة ... مبروك يا حسن يا باميبي  
 حسن — هوه فين حسن الباميبي ده  
 فاطمة — هوه فين  
 الدكتور — ( بضحك ) مبروك يا كونة  
 على — كونة ... كونة فين  
 فاطمة — على حسانين  
 الدكتور — يعنى نكتب إذن الخروج باسم مين  
 حسن — ( مشيراً لنفسه ) محمود عاصم  
 على — ( مشيراً لنفسه ) على كونة ... حسانين حسانين  
 الدكتور — ما تخافوش الحكاية اتعرفت ومحمود اعترف  
 الدكتور — ( يكلمهم بصوت غير مسمع )  
 حسن — بالذمة يا دكتور  
 حسن — يا سلام  
 على — صحیح  
 فاطمة — يا ما أنت كريم يارب  
 الدكتور — أنا حابعت لكم اذن الخروج  
 ( يخرج الدكتور )  
 حسن — الحمد لله ... الحمد لله . . الحمد لله

الدكتور — ( يخرج لجرته ويكتب أذونات الخروج ) خلاص لازم  
يخرجهم — ياما في الحبس مظالم — ولازم نكتب  
للتبابة علشان المجرم الثانى

الدكتور — سالم سالم ( يعطى أذونات الخروج لـالم ) دى أذونات  
الخروج

سالم — للثلاثة

الدكتور — للثلاثة

سالم — خلاص يا أفندم

الدكتور — خلاص .. بس مش عاوزين غلط تانى

سالم — لا .. ما اخافش من الغلط خلاص .. لى يغلطهم  
همه العقلاء

( يدخل سالم على حسن )

حسن — حبيبتي فطومعه

فاطمة .. حبيبي حسونه

سالم — ( بصوت عال ) المدعو حسن البامبني ... خروج

حسن — ( يتسجم مع فاطمة ) ( لا يرد )

سالم — ( ينظر سالم لهما ) غير موجود ... مش هنا .. سارح

فى ملكوت

سالم — المدعوه فاطمة فاطمة ... خروج

- فاطمة — (منسجمة مع حسن) (لا ترد)  
 (سالم ينظر لهما) (غير موجودة) مش هنا سارحه معاه  
 فى ملكوت
- سالم — ادعو على كونه ... خروج  
 على (يندجم فى النظر اليه.) (لا يرد)
- سالم — غير موجود مش هنا
- سالم — يعنى عاوزين تقعدوا... دلوقت ... ما بتردوش ليه  
 على النداء
- حسن — طبعاً مش دى مستشفى المجاذيب  
 سالم — آه
- حسن — أهو أنا مجنون بفاطمة
- سالم — وفاطمة
- فاطمة — مجونة بحسن
- سالم — قال دول عقلا وكاتبين لهم لذن خروج وحيخرجوهم !  
 طب عرفنا دول ... اتنين اتجفتوا ببعض ما بتردوش  
 وحضرتك « لعل » ابتردش ليه ؟
- على — عايز أتجنن زيهم ... عايز واحدة تجننى ... عاوز  
 أتجنن أنا كان « مشيراً لحسن وفاطمة » عايز أتجنن ...  
 « ستار »

للمؤلف قريبا

المسرحية القومية

انتصار إيزيس

التي تتناول معجزة القرن العشرين

السد العالي

---

المسرحية الضاحكة

تحت الطبع . . للمؤلف

■ عقل الكهروني

■ زواج وحب وعدالة وبالعكس

، فانتازيه ضاحكة ،

■ حاتجوز التليفزيون

دار البيل للطباعة ١٤ قصر للوثقة - القاهرة  
ستيفوز ٩٠٥٢٩٦



الناشر

## مكتبة الهوى العربي

لصاحبها ، رءوف نعمان

• شارع كامل صديق بالفجالة

تليفون ٩١٩٩٦٥

726



0511248

الثنى ٢٥

دار الجيل للطباعة ١٤ قصر النخلة - الفجالة

تليفون ٩٠٥٢٩٦